



Pagina 5

## Veiligheidshuis Aruba ta enfoca riba trece solucionnan structural pa gruponan den comunidad cu ta enfrenta asuntonan compleho



Pagina 3

- **CBS: Cada bes tin  
menos biento na  
Aruba**

Pagina 4

- **Riesgo di  
labamento di  
placa na Corsou ta  
preocupantemente  
halto**

Pagina 9

- **Instituto Trimbos  
ta adverti contra  
'pildonan falso  
mortal'**

Pagina 7

## Sistema di Alerta Trempan ta totalmente financia pa Union Europeo



Pagina 6

Peru ta  
declara  
emergencia  
y ta desplega  
ehercito  
mientras  
violencia ta  
surgi den  
capital



Pagina 11

## Israel ta lansa atake riba Gaza pa presiona Hamas



Pagina 23



## Stephanie Quant: Un hoben musico cu un futuro briyante

**Stephanie Danica Maria Quant ta un hoben di 15 aña di edad cu desde un edad hopi jong a cuminsa su trayectoria den mundo di musica. Den un entrevista cu Bon Dia Aruba Stephanie ta conta di su mes, su comienso den musica y su metanan pa futuro.**

Stephanie su hobby principal ta musica. E ta toca y ta siñando 8 pa 10 diferente instrumento. Recientemente el a logra su titular como cantautora na e edad di 15 aña. Otro hobby cu Stephanie tin ta baile, y esaki, el a conta, ta bin di su tata.

“Mi tata semper tabata wak Michael Jackson y ora mi tabata chikito, mi a purba di copia su movimentonan y mi ta pensa ta esey a yuda mi haya e coordinacion y fluho di baile cu mi tin awo,” el a bisa.

Stephanie ta activo tambe den deporte. E ta practica coremento, tabata hunga bas-



ketball, ta gusta hunga badminton y volleyball den su tempo liber cu su amiganan, y a hasta competi den competencia di fencing.

Stephanie a subi escenario pa prome biaha na aña 2013 pa festival di Voz Escolar na Entertainment Center, pero p’e musica semper tabata parti di su bida. El a conta cu su ruman grandi Priscilla, tabata canta y tabata participa den festival di Himno y Bandera, Carnaval y Dande hunto cu Upgrade Music.

“Ami a lanta ta wak e canta y train, y mi mes tabata canta secretamente patras. Awor, mi ta haci mesun cos, menos e parti cu tur hende conoce mi como cantante awo. Te ora cu mi bira grandi, mi sa cu, sea e ta musica internacional of musica cultural di Aruba, musica semper lo ta parti di mi. Tur caminda cu mi bay mi lo muestra cu e musica di Aruba semper ta e raiz di mi musicalidad,” el a expresa.

Contando ken tabata su inspiracion pa drenta den e mundo di musica, Stephanie a splica cu na prome lugar ta su ruman Priscilla. El a sigui conta cu di ora su ruman tabata chikito semper e tabata participa y a la logra hopi tambe, p’esey mayoria di su logronan Stephanie ta dedica nan na su ruman.

El a indica cu ainda e tin dos meta cu e lo kier logra den festival, y si cu Dios kier e ta logra nan pa e por cera e era di su prome etapa como cantante, musico, y como un mucha hoben.

Stephanie a agrega cu su mayornan tambe ta su inspiracion. “Danki na mi tata mi



a siña con pa ta fuerte y resiliente den tur loka mi haci, y danki na mi mama pa tur e sabiduria y amor cu mi a siña duna y muestra,” el a expresa.

Otro inspiracion pa Stephanie ta e trofeonan den su camber y cashi, full rond den su cas. “Tur caminda cu mi bay esey ta corda mi di tur e añanan cu mi a dedica na canto, tur e obstaculo cu mi a pasa aden, y tur e esfuerso cu mi a haci pa mi por a desaroya e diferente talentonan cu papa Dios a duna mi,” el a agrega.

Pa loka ta su metanan pa futuro, kico cu e ta, musica sigur lo forma parti di dje. El a conta cu e tin plania bay studia afo, y regresa Aruba como un profesional. Actualmente su materianan preferi ta scheikunde, wiskunde B y natuurkunde. Su plan ta pa studia ‘Sustainable engineering’ y ‘Environmental engineering’.

El a sigui conta cu su meta lo ta pa desaroya y crea sistemnan nobo pa deshaci di sushi, materialnan cu no ta usa mas, y mas problema pa medio di ingenieria ora mi e bek Aruba.

Otro materia favorito di Stephanie ta geschiedenis. El a conta cu esaki e lo kier studia ley y bin bek como huela of abogado.

Y naturalmente e lo kier studia musica tambe, pa e por

cuminsa traha como musico y cantante ora e bin bek Aruba. “Cu tur e habilidadnan aki, mi lo kier bira un embahadora di Aruba un dia. Ainda mi ta pensando cua; mi lo kier logra prome, pero mi ta convenci cu mi trabou como embahadora ta skirbi den mi storia caba,” el a sigura.

Por ultimo, Stephanie su mensahe pa e hobennan di Aruba: “Mi mensahe lo ta pa bay p’e, no ta tur cos lo ta perfecto, pa nos por gana den futuro, nos mester siña con pa perde. Pa nos logra nos metanan, si nos traha p’e aunke tin obstaculo. Nos mester keda cu mente positivo pasobra semper positivismo ta gana y nos trabou duro lo cay venci. Y tanten nos ta kere den nos mes, nos por logr’e. Pasobra si bo por imagin’e bo por logr’e.”





# Veiligheidshuis Aruba ta enfoca riba trece solucionnan structural pa gruponan den comunidad cu ta enfrenta asuntonan compleho

Manera ta conoci prome minister demisionario Evelyn Wever-Croes a presenta diahuebs ultimo e Relato Anual (Jaarverslag) 2024 pa loke ta trata e ministerionan cu e ta encarga cune, ministerio di Asuntonan General, Innovacion, Organizacion Gubernamental, Infraestructura y Planificacion Teritorial. Como minister di Asuntonan general, den e relato anual e mandatario ta elabora riba e Veiligheidshuis Aruba, con e colaboracion di esaki a bay y resultadonan pa aña 2024.

E Veiligheidshuis Aruba a ser lanta dia 24 di mei 2018 y ta un localidad fisico unda cu diferente institucion for di e cadena penal y di cuido y otro partnernan (manera enseñansa) ta traha hunto pa reduci molester, violencia domestico y criminalidad tras di cual problemanan compleho ta scondi. E balor agrega di e colaboracion ta un acercamento di cadena crusa cu ta fortalece e acercamentonan individual. Tur partner ta retene nan mes na responsabilidadnan (legal). E prome minister ta e presidente di e Comité di Maneho di Alto Nivel di e Veiligheidshuis Aruba.

Partnernan principal den e colaboracion aki ta e Bureau Leerplicht, Bureau Slachtofferhulp, Bureau Sostener, Dienst Publieke Scholen (zorgteam), Directie Sociale Zaken, Directie Voogdijraad, FCCA, Fundacion Guia Mi, Fundacion Salud Mental Aruba Respaldo, Korps Politie Aruba, ministerio di Husticia y Asuntonan Social, Ministerio Publico (OM), Stichting Hunto, Stichting Reclassering Aruba, KIA y Wit Gele Kruis.

Partnernan nobo di convenio ta Zorgteam Stichting EPB y Tienda di Educacion.

Veiligheidshuis Aruba tin gruponan specifico como obhetivo. E gruponan aki, ta e gruponan caminda asuntonan compleho ta sucede principalmente. Netamente pa e motibo aki e Veiligheidshuis ta enfoca riba cierto gruponan como obhetivo. E gruponan aki ta entre otro hobennan na riesgo, hende cu comportamiento cu no ta ser comprendi, problemanan



di diagnostico dobel, actor y victimanan di violencia relacional, adulto mayor, personanan indocumenta y delincuentenan cu ta ripiti actonan criminal.

Pa loke ta e resultadonan di colaboracionnan den 2024 di e Veiligheidshuis Aruba, consulta di cuido y seguridad ta central den e asociacion aki. Durante e consulta bise-manal, tanto registracionnan nobo a ser discuti como tambe e plan di accion sistematico determina, y tambe e feedback y coordinacion di e casonan cu ta ser trata caba.

Den e relato anual ta sigui splica cu na 2024, un sistema digital nobo a keda introduci (mas facil pa usa) pa sostene e procesonan di trabou aki. Na 2024, 19 consulta di cuido di salud y seguridad a tuma luga cu un participacion di 97% di e partnernan nucleo y 99 registracion nobo a keda registra den e sistema di sosten di casonan digital.

Un total di 131 caso cu asuntonan multi-problema compleho a ser procesa, esaki ta inclui registracionnan nobo y estudionan di caso continuo. E asuntonan rond di e hobennan di riesgo halto, problemanan di adiccion y psiquiatria ta saca e puntuacion mas halto aki.

Pa loke ta trata e estudionan di caso di feedback, entre 25 y 30 caso ta ser discuti pa reunion di cuido y seguridad cu ta ser procesa caba y tin coordinacion di e palabracionnan haci y e estado di cosnan actual. Si tin mas, intervencion ta necesario y e plan di accion mester ser ahusta, of e caso por ser cera.

Mas cu mita di e casonan (65%) ta ser maneha exitosamente pa medio di e acercamento conhunto y e asistencia y tratamiento den e cadena di cuido. Si ta necesario, nan lo ser reintroduci door di e gerente di caso.

E relato anual ta remarca cu den esaki ta bolbe mira un aumento den repeticion di registracionnan, parcialmente pasobra e terapia y remedi no ta ser sigui estrictamente, y pasobra hopi biaha e persona no tin bista riba su mesun condicion medico. Como tambe otro factornan manera vivienda y problemanan financiero.

Pa loke ta e tendencia y desaroyonan, den e relato anual di prome minister ta splica cu e desaroyo preocupante observa den añanan recien pa loke ta trata hobennan na riesgo y hobennan cu ta evita cuido lamentablemente ta continua y por mira cu awor hoben y muchanan muhe menor di edad en particular den situa-

cionnan insigur.

Esaki ta debi na e problemanan compleho subyacente manera deshabilidad intelectual leve (ID), bandona scol, violencia domestico, adiccion, trauma di infancia trempan, problemanan psiquiatrico, problemanan financiero, vivienda, relacionnan mayor-yiu, problemanan di criansa como tambe criminalnan cu ta abusa di hobennan den un posicion vulnerable ora di comete crimen di minamento (di droga).

En bista di loke ya caba a ser menciona, e consulta di cas di cuido di salud y seguridad a ser amplia pa inclui partnernan di pacto cu ta particularmente preocupa cu e grupo di enfoca aki ta traha hunto pa logra un acercamento integral y pa comparti conocimiento y informacion pa comparti. E Veiligheidshuis Aruba ta sirbi como un centro di conocimiento.

E relato anual ta remarca cu e situacion espantoso y hopi

biaha inhumano y/of condicionnan di bida di adultonan mayor ta aumentando y ta un preocupacion grandi. Ademá di e enfoca riba hubentud, e acercamento sostenibel y desaroyo di cadena pa loke ta trata e problemanan rond di e otro gruponan di enfoca ariba menciona di e Veiligheidshuis Aruba ta un prioridad.

E asistencia cu un Veiligheidshuis ta duna ta dirigi na e actor, victimanan y otro partidonan envolvi, manera por ehempel miembronan di famia, pariente of bisñanan. Hopi biaha e ta concerni actornan cu problemanan multiple y structural, principalmente den e areanan di trabou y entrada, adiccion, salud mental of vivienda. E meta ta pa yuda e personanan envolvi pa duna guia a largo plaso pa solucionnan structural y pa preveni recaida.

No tin un solucion pa tur caso, pero esakinan ta registra riba e asina yama "lista di sombra". Of den particular e casonan di diagnosis dobel, hobennan cu ta bin na remarke pa husticia cu ta rekeri tratamento den un ambiente cera y pa hende muhe adicto tin hopi necesidad di facilidadnan. Como tambe cuido despues pa esnan cu a pasa den tratamiento pa loke ta trata nan adiccion cu a mester a ser trata den exterior.

Den e relato anual ta subraya cu e retonan no ta disminuyendo, ni ta menos compleho. Mantencion di dialogo cu otro ta un 'must' pa e realisacion di e perspectivanan pa e casonan ey caminda ta falta preconditionnan crucial.





## Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.  
Bishita solamente e pagina oficial di Facebook, Aruba Today News, of e website  
[www.arubatoday.com](http://www.arubatoday.com).

Si bo haya algun problema, nos t'ey pa yuda: [bondia.aruba@gmail.com](mailto:bondia.aruba@gmail.com)



## Aruba ta recupera grado di inversion for di agencia Fitch Ratings

Segun un rapport publica pa Fitch Ratings, e agencia financiero a eleva e rating di Aruba, despues cu na 2020 a bah'e na 'junk', bisando cu debe di Aruba ta bahando y e reserva stranhero ta halto.

Den su rapport, Fitch a indica cu a mehora e 'Long-Term Foreign-Currency Issuer Default Rating' na 'BBB-' cu un Positive Outlook. "Esaki ta refleha progreso significante pa reduci debe di gobierno, sosteni pa surplus fiscal halto y gobernacion fuerte.



"Economia di Aruba, impulsada pa turismo, a crece cu 6,8 por ciento na 2024, cu crecemento futuro cu nod ta spera ta bay modera."

E agencia a continua bisando cu e marco fiscal, reforsa pa sosten di Hulanda, ta inclui metanan pa surplus presupuestario y reduccion di debe.

"Surplus den cuenta corriente di Aruba y aumento di reserva internacional ta reforsa su estabilidad financiero. Sinembargo, nivel halto di debe y dependencia economico riba turismo ta presenta riesgo."

Fitch ta nota cu e ratio di debe pa GDP di Aruba a baha na 66 por ciento aña pasa, for di un peak di 100 por ciento na 2020, y ta spera di baha na alrededor di 57 por ciento pa proximo aña. Tambe tin un aumento den reserva internacional danki na e surplusnan den cuenta corriente, cu e

reservanan internacional alcansando 1.8 bion dollar na 2024 y ta spera cu lo alcansa 2.6 bion proximo aña, segun Fitch.

Toch e agencia a adverti cu e peso di debe di Aruba ta keda halto, y esaki ta nifica cu nos economia, dependiente riba turismo, ta keda vulnerable pa shocknan externo.

Di su banda, S&P Global Ratings y Moody's a cualifica e grado di inversion na BBB y Baa3, respectivamente.

## CBS: Cada bes tin menos biento na Aruba

Recientemente, Oficina Central di Estadistica a publica su Statistical Overview di Aruba mas recien. Pa loke ta clima di Aruba, den e periodo observa, a nota un patronchi stabiel di temporada na Aruba, cu temperatura, yobida, y otro indicadornan relativamente stabiel den cinco aña. Sinembargo, a nota un caida consistente den e velocidad di biento durante e periodo observa.

Clima di Aruba ta hopi stabiel durante ultimo 5 aña, cu un temperatura averahe di 28.6 grado Celsius, humedad averahe di 76 por ciento, y biento averahe di 7.4 m/s. Pa loke ta trata awasero, Aruba a conoce añanan seco y añanan mas muha, cu un precipitacion averahe di 369mm di yobida pa aña.

E datonan mas recien pa cu temperatura cu CBS a publica ta di 2020. E aña ey, e temperatura mas fresco di 27.5 Celsius tabata registra na luna di januari y december, mientras cu e temperatura mas halto, 29.8 Celsius, tabata na december. Esaki ta sigui e mesun patronchi, cu tur aña di 2015 pa 2020, e luna mas cayente tabata september, y e aña cu e september mas cayente tabata 201e, cu temperatura di 30.2 Celsius. Igualmente e tendencia pa e luna



mas fresco di 2015 pa 2020 tabata januari, cu e januari mas fresco esun di 2017, na 26.5 Celsius.

### Precipitacion

Nivel di precipitacion na Aruba, segun registra na aeropuerto Reina Beatrix, a varia significantemente durante añanan, cu fluctuacionnan notable den diferente luna.

En general, den e periodo cu CBS a evalua, di 2015 pa 2020, e data ta resalta variacionnan cla den precipitacion na Aruba, cu un tendencia di aumento di precipitacion den e ultimo parti di cada aña, particularmente na october y november. Aña 2020 a resalta como esun mas muha, y mientras 2015 tabata esun mas seco.

E fluctuacionnan aki ta indica patronchinan di yobida, cu ta esencial pa compronde e tendencianan climatico di Aruba.

Igualmente, e cantidad di dia

cu yobida midible (1.0mm of mas) na Aruba a varia significantemente entre 2015 y 202, reflehando variacion den patronchi di precipitacion na diferente aña.

En general, e data aki ta indica cu e ultimo parti di aña – particularmente october, november y december – usualmente tin e cantidad mas halto di dia cu ta yobe. Aña 2018 tabatin e mayor cantidad di dia cu a yobe, mientras 2015 esun di menos.

E tendencianan aki ta alinea cu e patronchinan di temporada di Aruba, unda e ultimo lunanan generalmente ta mira mas yobida.

### Humedad

E nivel averahe di humedad na Aruba a keda relativamente stabiel di 2015 pa 2020, cu averahe anual variando entre 75% y 76%. Sinembargo, tabatin cambionan notable den diferente luna y aña.

En general, november con-

sistentemente a registra algun di e nivelnan mas halto di humedad, mientras maart y juni usualmente tabata lunanan mas seco. E aumento mas significante den humedad a sucede na juli 2018 (82 por ciento) y november 2020 (81 por ciento), indicando periodonan ocasional di aumento di humedad den atmosfera.

E patronchinan aki ta refleha e dinamica di clima di Aruba, unda variacionnan di temporada ta influencia nivel di humedad durante aña.

### Biento

E datonan di biento y presion atmosferico colecta di 2015 pa 2020 ta revela variacion den velocidad di biento y rafaga, hunto cu nivelnan relativamente stabiel di presion di aire.

Durante e periodo registra, e velocidad averahe di biento a muestra un tendencia general di caida. Na 2015, velocidad di biento tabata registra na 8.6 m/s, e mas halto den e set di data. Sinembargo, el a baha na 7.5 m/s na 2016, alcansando su punto mas abao na 2017, na 7.0m/s. Un recuperacion leve a sucede na 2018 y 2019, cu velocidad di biento stabilisando na 7.7 m/s, prome cu baha atrobe na 7.2 m/s na 2020.

Rafaganan maximo a varia durante añanan, cu peaknan

observa den diferente periodo. E rafaga mas fuerte a keda registra na 2020, na 23.6 m/s, sigui di cerca pa 2015 cu 23.1 m/s. Den contraste, e rafaga mas debil a sucede na 2016, na 18.9 m/s. Otro registro notable di rafaga ta inclui 21.1 m/s na 2017, 20.6 m/s na 2018, y 19.6 m/s na 2019.

E presion averahe di aire a keda relativamente stabiel durante e periodo, variando levemente alrededor di 1,012mb. E presion di aire mas halto registra tabata 1,012.2 mb na 2018, mientras esun mas abao tabata 1,011.8mb na 2017. Variacion den e otro añanan tabata minimo, cu balornan variando di 1,011.7 mb (2016) na 1,012.1 mb (2015 y 2020.)

E datonan aki ta sugeri un caida gradual den velocidad averahe di velocidad di biento durante aña, mientras rafaga maximo varia cu peak ocasional den intensidad, particularmente na 2020 y 2015. Presion di aire a keda en gran parti consistente, indicando condicionnan atmosferico stabiel.

E variacionnan den velocidad di biento y rafaga por refleha patronchinan di clima di temporada, incluyendo e influencia di trade winds, condicion atmosferico local, y tendencianan mas amplio di clima afectando e region.



**Editor**

Caribbean Speed Printers N.V.  
Aruba Bank N.V. Acc. #332668  
Caribbean Mercantile Bank N.V.  
Acc. #23951903  
RBC Royal Bank Acc. #13307728

**Operations Manager**

Mariette Engelhart

**Redaccion**

noticia@bondia.com

Pilar Flores (hefe di redaccion)  
Angenette Figueroa (closer editor)  
Leo Maduro  
Raisa Montilla  
Oriana Geerman

**Ehecutivo di Benta**

Sulaika Croes  
sulaika.croes@cspnv.com  
Mark Gomes  
mark.gomes@cspnv.com

**Aviso y Arte**

Sandra Loefstop  
Lisa Tromp

**Departamento Digital**

Juan Luis Pinto

**Administracion**  
accounting@bondia.com

Martha Arteta de Ariza

**Distribucion**

Jenny Kelly

**Coleccion**

Evelinda de Cuba - Tromp

**Pre Press**

Luis Fernando Arenas (Hefe)  
Pablo Libre

**Press**

Roland Schenker (Hefe)  
Omar Ramirez  
Martin Boekhoudt  
Francis Dirksz

**Colaboracion**

Associated Press  
Ret Karibense  
Data Key

**Afiliacion**

Sociedad Interamerica  
di Prensa (SIP)

**DIRECCION**

Adres: Weststraat #22  
Tel: 582-7800  
Email: noticia@bondia.com  
aviso@bondia.com  
info@bondia.com  
Website: www.bondia.com  
Facebook: @bondianoticia  
Instagram: bondiaaruba

BON DIA ARUBA ta un corant  
redacta y imprimi na Aruba y ta  
obenibel di dialuna te cu diasabra.  
Ningun contenido por wordo reproduci  
sin permiso di editor.

# Pueblo di Aruba a celebra nos dia nacional grandemente

Ayera Aruba a celebra su dia nacional, 18 di maart Dia di Himno y Bandera. Manera ta tradicion pueblo di Aruba a sali y disfruta di diferente actividad cu tabatin full rond di e isla caminda por a gosa di shownan di baile, come cuminda crioyo y celebra Aruba en general.

Desde dialuna 17 di maart ya caba Aruba por a disfruta di celebracionnan cultural. Manera ta custumber dialuna anochi a tuma luga e manifestacion cultural cual a tuma luga riba Plaza Betico Croes.

Riba e anochi aki Plaza Betico Croes ta haya bida cu e ambiente cultural. Tin diferente tent cu cuminda crioyo, cos dushi, arte, artesanian y hopi mas. Sin lubida, pueblo ta disfruta di un show musical y di baile incomparable.

Dia 18 di maart mainta ta habri cu e manifestacion cultural cu tuma luga dilanti Plaza Betico Croes y ta conta cu presenta di Gobernador di Aruba SE Alfonso Boekhoudt y demas mandatarionan di e isla.

Gruponan social, cultural, deportivo y diferente organizacion ta forma parti di un desfile oficial y ta presenta dilanti Gobernador di Aruba y e mandatarionan.

Pa sigui celebra pueblo por a disfruta di tur e actividadnan rodni di e isla. Algun di e actividadnan aki tabata entre otro na Club Caiqueto, Aruba Aloe, Cas di Cultura, Biblioteca Nacional Aruba, Museo Arkeologico, Centro Hubenil Washington y hopi otro localidad mas.





# LOTTO 5

Cuminsando cu 4 florin, bo por gana e suma grandi aki

Afl. **200.000,-**

Obtenibel na cualkier rebendado di Lotto.

sorteo ta awe nochi 7:45 pm

HUNGA AWO

## Compromiso pa Prevencion di Abuso di Mucha

Nos muchanan ta e miembronan mas vulnerabel di nos sociedad y ta nos compromiso pa protehnanan. Desde inicio na 2017 a bin subraya e necesidad di mas atencion, conscientisacion, cambio di ley, derecho di mucha pero sigur tambe prevencion. Nos muchanan mester mas cu wordo mira como e futuro di nos Pais, nan tin mester di wordo proteha for di chikito.

Como mandatario nos tin e deber pa tuma paso concreto pa trece e tema crucial aki padilanti y nos a bin ta haci esaki tambe desde cu a sinta na september 2021.

Gobierno di Aruba a bin ta reconoce e necesidad urgente pa mas conscientisacion y accion, y a oficialmente declara



luna di April como Luna di Prevencion di Abuso di Mucha na Aruba aña pasa. E iniciativa aki ta enfoca riba e causanan, prevencion y intervencion necesario pa combati abuso di mucha den tur forma. Durante conseho di minister, un proposicion a wordo presenta pa designa

permanentemente April como Luna Nacional di Prevencion di Abuso di Mucha, sigurando cu tur aña, e institucionnan gubernamental y organisacionnan relevante ta traha pa aumenta conscientisacion y fortifica proteccion pa nos muchanan.

A traves di diferente plataforma politico, como partner di coalicion a enfatisa continuamente e importancia di proteccion di mucha y a pusha pa politiconan enfoca riba deteccion tempran, intervencion y prevencion di abuso.

“Tur mucha merece crece den un ambiente sigur y cu amor. Haciendo prevencion di abuso di mucha un prioridad nacional, nos ta tuma un paso crucial pa stop e ciclo di violencia y pa sigura un futuro mas saludabel pa e hubentud di Aruba, ambos fisicamente y mentalmente,” segun Minister Arends.

E iniciativa aki ta alinea cu esfuersonan global, manera e National Child Abuse Prevention Month cu a wordo estableci na Merca for di 1983, y campananan similar

na Colombia y Mexico. E ta reforsa e compromiso di Aruba cu e standardnan internacional pa proteccion di mucha y e responsabilidad colectivo di nos comunidad pa combati e problema aki.

Mientras ta traha pa formalisa e iniciativa aki, nos como comunidad mester sigui boga pa Parlamento y Gobierno continua duna prioridad na nos muchanan por ehempel e ley di iniciativa pa derecho di mucha.

Palabra di gradicimento y danki na tur institucion, educadornan, ciudadornan y lidernan di comunidad cu a bin ta participa activamente den e actividadnan di conscientisacion durante luna di april y pa sigui traha pa proteha nos muchanan full aña.

## Sistema di Alerta Trempan ta totalmente financia pa Union Europeo

Oficina di Maneho di Crisis di Aruba cu orguyo ta anuncia e lansamento oficial di un Early Warning System (EWS) moderno cu ta un avance importante den e capacidad di Aruba pa maneha calamidad, sigurando cu alerta y informacion crucial ta yega na e momento oportuno na publico durante situacion di emergencia.



EWS, cu ta desaroya cu e tecnologia mas avansa y e miho practicanan den maneho di desaster, lo sirbi como un herment crucial den e evento di desaster natural, desgracia di gran magnitud y otro situacion di emergencia. E sistema tin capacidad di manda alerta den tempo real y den e idioma principal di e isla, pa habitante y tambe bishitante. E ta complementa pa medio di sirena y notificacion, otro plataforma, incluyendo mensahe digital, media convencional y social.

“Awe ta marca un era nobo den Aruba su strategia pa maneho di emergencia,” asina Rino Hermans, Director

di Crisis Management Office, a bisa. “E Early Warning System ta un herment vital cu lo yuda nos proteha nos comunidad y nos isla di e impacto di desaster natural y otro emergencia. Nos ta encurasha tur hende pa conoce y custuma cu e sistema pa asina saca e maximo probecho di su capacidad.”

Diaranson y diahuebs proximo lo activa e sistema cu ta consisti di 8 palo di sirena y speaker pa scucha e sirena pa prome biaha; dia 19 como prueba y dia 20 como parti di e dia internacional di simulacro yama CaribWave. Den esaki tin diferente departa-

mento, scol, entidad y negoshi local participando.

Aruba su EWS ta financia pa Union Europeo, Expertise France Groupe AFD, GFDRR y Banco Mundial pa un suma di 1.7 milyon Euro. E tabata bou un preparacion cuidadoso durante ultimo shete aña. Awo e ta cla pa pone Aruba como un pionero den e region di Caribe y riba e caminda pa cumpli cu e iniciativa ‘Early Warnings for All’ di Secretario General di Nacionnan Uni na maart 2022 cu ta pidi pa tur persona na mundo ta proteha cu sistema di alerta trempan pa 2027.



### Campaña Publico di Educacion

Hunto cu e lansamento, CMO ta checuta un campaña extenso di educacion pa sigura cu habitante y bishitante ta consciente di con pa uza e Early Warning System. E campaña ta inclui sesion informativo, material di instruccion y recurso online, entre otro. Sr. Hermans personalmente ta pasando na diferente medio di comunicacion pa asina duna splicacion y tambe contesta pregunta di e ciudadanonan.

Fuera di esey, por conoce hopi mas di e Early Warning System door di bishita [www.cmo-aruba.com](http://www.cmo-aruba.com)

of contacta e Crisis Management Office na 588-0100.





## Gen cu ta causa ADHD tambe por aumenta e posibilidad di problema cu lesamento y matematica

(Nu.nl) – Mucha cu ADHD tin un posibilidad mas grandi pa tin dificultad cu lesa, ortografia y matematica. E no ta door di ADHD mes, sino cu e predisposicion hereditario pa ADHD ta overlap cu e predisposicion pa dislexia y discalculia.

Investigadornan di Vrije Universiteit Amsterdam (VU) y Universiteit van Amsterdam (UvA) a descubri esaki despues di un investigacion cu 20,000 mucha Hulandes. E resultadonan a ser publica diaranson den e revista científico Psychological Science.

Segun e investigacion, 37% di e muchanan cu ADHD tin dislexia of discalculia. Mucha cu ADHD hopi biaha tin dificultad cu concentracion. ADHD ta para Attention Deficit Hyperactivity Disorder (Trastorno di Deficit di Atencion y Hiperactividad). Sintomanan por cambia segun e mucha. Hopi biaha tin diferencia entre mucha homber y mucha muher. ADHD ta ser observa mas tempran den mucha homber.



“Mucha homber cu ADHD ta demostra comportacion druk y ta pidi atencion”, Nanda Lambregts-Rommelse, profesor di Neurobiologia di Trastornonan di Desaroyo

na Radboud University, a indica na NU.nl. “Mientras cu mucha muher cu ADHD ta mas introvertido. Nan ta mas miedoso y tristo.” Pero nan tambe por ta druk. Mucha cu dislexia tin dificultad cu ortografia y lesa rapido. Mucha cu discalculia tin dificultad cu calculacion y matematica.

**“Problema di siña no ta door di ADHD”**  
“E problema di siña no ta

door di ADHD, pero pasobra e predisposicion hereditario pa ADHD ta aumenta riesgo pa problema cu lesa, ortografia y matematica,” e universidadnan ta enfatisa den un comunicado. E investigacion ta muestra cu e un no ta causa e otro. Hopi biaha nan ta bin hunto pa motibo di e mesun factornan di riesgo genetico.

Elsje van Bergen, lider di e investigacion di VU, ta enfatisa cu un mucha por lesa y calcula mas facil cu otro. “E diferencia entre e muchanan ta ser influencia tres cuarto pa predisposicion genetica,” a comenta Van Bergen. “Muchanan cu predisposicion pa dislexia, por ehempel, mester di un educacion

mas enfoca.” Cada problema mester di su propio tratamiento

Segun e universidadnan, e resultadonan di e investigacion ta importante pa educacion. E ta muestra cu tratamento pa ADHD no lo necesariamente mehora e desempeño escolar. E mesun ta aplica pa e tratamiento di trastorno di lesa. Por ehempel, tratamiento pa dislexia no lo necesariamente reduci sintomanan di ADHD.

“Asina ta cu un remedi pa un no ta un remedi pa otro”, co-investigador Kees-Jan Kan di UvA ta resumi.



### **EXECUTORIALE VERKOOP**

Ten overstaan van notaris mr. Chamila Agnella Tromp of haar waarnemer zal op **vrijdag 11 april 2025 om 10:00 uur 's-morgens in het Auditorium van de Kamer van Koophandel te Aruba** aan de J.E. Irausquin Boulevard 10, Oranjestad, Aruba, in één zitting bij opbod en afslag in het openbaar worden verkocht, ex artikel 3:268 van het Burgerlijk Wetboek van Aruba:

een woonhuis, plaatselijk bekend als

### **PALO DI BOONCHISTRAAT 3**

staande op het recht van erfpacht tot 16 augustus 2042 op een perceel domeingrond groot 863 m2 gelegen te Ponton in Aruba, kadastraal bekend als Eerste Afdeling Sectie E nummer 850.

**Er zal geen inzetprijs worden gehanteerd bij de veiling van dit registergoed.**

**Alleen serieuze biedingen worden in overweging genomen.**

Een onherroepelijk en onvoorwaardelijk onderhands bod kan worden uitgebracht tot uiterlijk donderdag 27 maart 2025 ten kantore van Newleaf Notary, J.E. Irausquin Boulevard 22 te Aruba, of via email: [auction@newleafaruba.com](mailto:auction@newleafaruba.com)

Iedereieder is gehouden, zowel bij het uitbrengen van een onderhands bod als op de veiling zelf, zich te legitimeren met een geldig paspoort of ID en middels een bereidheidsverklaring, een bankgarantie of andere vorm van zekerheid aan te tonen aan de Executant in staat te zijn tot nakoming van zijn bod en de bijkomende kosten.

De Executant behoudt zich het recht voor de executieveiling uit te stellen dan wel op te houden zonder daarvoor de reden te noemen.

Op de veiling zijn van toepassing de Algemene Veilingvoorwaarden voor Executieveilingen (AVVE) en de Bijzondere Veilingvoorwaarden zoals vastgesteld door notaris mr. Chamila Agnella Tromp.

**Voor vragen of meer informatie kunt u een email sturen naar [auction@newleafaruba.com](mailto:auction@newleafaruba.com) of de volgende website bezoeken:**

**[www.newleafaruba.com](http://www.newleafaruba.com)**

## Instituto Trimbos ta adverti contra ‘pildonan falso mortal’, posiblemente tin victima caba

(Nu.nl) – Na Hulanda, ta circulando pildonan falsifica di oxycodon cu ta forma un peligro grandi pa bida. E pildonan aki no ta contene oxycodon, pero tin e substancia mortal isotonitazepine. Esaki ta segun un rapport di Trimbos-instituut, un organisacion cu ta investiga droga.

Dialuna pasa, un persona a fayece despues di a posiblemente usa un di e pildonan falso aki. Trimbos ta bisa cu pildonan di “namaakoxycodon” a ser haya cerca di e persona cu a fayece.

Segun e agencia di noticia ANP, e victima ta un persona di Amsterdam di 30 aña. Polis a descubri su curpa den su cas despues di cu su conoci no tabata por haya contacto cune. E investigacion ariba su causa di morto ta sigui.

Pero e pildo ta asina peligroso cu Trimbos a dicidi di adverti. Ademas, Inspectie Gezondheidszorg en Jeugd (IGJ) a ricibi algun mencion di personanan cu mester a bay warda di emergencia despues di usa e pildonan aki. Ta cumpra pildonan online

E pildonan cu e victima tabatin, a ser cumpra online sin receta medico. Analisis di



Nederlands Forensisch Instituut (NFI) a muestra cu nan ta contene isotonitazepine, un tipo di nitazeen, y no tabata contene oxycodon. Uso di e tipo di pildonan ami ta extremadamente peligroso, pasobra nitazeenan ta un opioide sintetico cu ta mas fuerte cu fentanyl, oxycodon of morfina. Segun Laura Smit-Rigter di Trimbos, isotonitazepine por ta “mil bia mas fuerte cu morfina”. “E no por ser usa siguramente.”

“Nos no ta sigur si e persona a tuma e pildo, nos solamente sa cu el a cumpra e pildo” co-ordinador Laura Smit-Rigter di Trimbos ta bisa na ANP. “Nos ta preocupa pa e substancia mes. Nos kier evita cu por tin mas victima.” Solamente algun miligram di e substancia por causa problema serio di respiracion, cu por resulta den morto. Pildonan casi no ta por ser distingui di e original E pildonan falso ta ser bendi

online via website no-oficial y ariba rednan social como oxycodon. Nan ta parce e pildonan original masha hopi mes y ta hasta ser hinca den e pakinan original legitimo. E pildonan casi no por ser distingui di e original, IGJ ta raporta.

E Inspectie Gezondheidszorg en Jeugd (IGJ) ta duna un advertencia grandi tocante e peligro di cumpra remedi online. “E por parce e original, pero bo nunca sa kico bo realmente ta cumpra. Esaki ta un peligro pa bida,” segun Henk de Groot, hefe inspector di IGJ.

Diamars, Trimbos a lansa un “Red Alert” pa adverti hende tocante e peligro di e pildonan. Esaki ta un medida cu no ta pasa hopi; e ultimo bes cu un advertencia asina a ser lansa tabata na December 2023, relaciona cu pildonan di xtc cu un dosis mortal di MDMA.



## Blackout na centro di ciudad na Den Haag ta afecta 45.000 hogar

(NLTimes) - Un blackout afectando e centro di e ciudad y otro partinan di Den Haag a laga miles di persona sin electricidad pa fin di diamars atardi.

Tabatin varios problema den e red di transport publico di e ciudad como resultado, cua la crea un situacion den trafico dificil pa varios aunke mayoria trein tabata coriendo na ora.

“Por favor solamente yama servicicionan di emergencia pa emergencia real,” ta loke autoridadnan local a skirbi riba sistema di alerta pa ciudadano Burgernet net prome cu 4:30pm. Un total di 45,200 hogar y negoshi a keda sin coriente segun operador di e red Stedin. Ademas di e centro di ciudad, hende den area



di e costa manera Duindorp y Scheveningen, tambe a reporta problema. Ademas di Archipelbuurt, Kompasbuurt y otro barionan cercano.

Stedin a bisa cu e tin speranza di resolve e prome entre 6:45m y 7:45pm. “Nos techniconan ta na caminda pa determina e causa y resolve e blackout lo mas pronto po-

sibel,” e compania a publica riba rednan social.

Emergencia tabata contestando varios yamada di persona pega den lift segun a mira den record. Varios edificio di gobierno nacional a keda evacua a causa di e blackout aki. Entre nan tin e ministerio di Asuntonan Social y Empleo, e ministerio di Salud, Bien-

estar y Deporte y ministerio di Educacion, Cultura y Ciencia.

Sinembargo cu e problema extendiendo durante atardi, e expectativa tabata cu e personanan purbando yega cas lo encontra problema pa haci esaki. Sistema di transport publico HTM a reporta cancelacion, atraso y cambio di ruta den e ruta di tram di e ciudad. “Mi tabata maneha y diripiente coriente a bay,” un operador di tram a conta Omroep West. “Despues trabao a para lo mas safe posibel pa medio di laga e tram keda bay lo mas leu cu por te ora e stop y laga e pasaheronan sali. Awo nos tin cu warda te ora cu nos tin coriente atrobe, esey so nos por haci,” el a agrega.

HTM a bisa cu tabata tiki probable pa servicio normal keda restaura prome cu 5:30 di atardi, sinembargo e servicio, aunke no optimal, por a ser extendi cu por lo menos 1 ora.

Haaglanden su oficina di seguridad a declara un emergencia regional di e categoria Grip 2 a causa di e incidente. Esaki ta garantiza cu lo crea un ekipo di operacion regional pa coordina e respuesta di emergencia for di un localidad central.

Nan por provee conseho y yuda colecta y plama informacion manera ta necesario. Tambe nan ta carga e responsabilidad di mantene oficina di alcalde informa.

### “Violencia como servicio”:

## Europol sumamente preocupa tocante reclutamento di adolescente online pa crimen organisa

(NLTimes) - Europol ta sumamente preocupa tocante crimen organisa su reclutamento di adolescente via rednan social pa ehecuta actonan violento.

Den su evaluacion tocante

crimen organisa, e servicio di polis Europeo ta describi e “violencia como servicio” como un menasa serio y nobo na ciudadanonan Europeo.

“A causa di con esnan cu ta duna ordo ta recluta e actor-

nan di crimen serio manera extorsion, secuestro y asesinato, hopi biaha nan no ta sufri ningun consecuencia,” Andy Kraag, e hefe di Europol su European Serious Organised Crime Centre (ESOCC) a conta NRC. Mientras e



“hobennan ta haci e trabao sushi pa e lidernan criminal ta core riesgo grandi.”

Den mundo criminal Hulandes, teenager y hobennan hopi biaha ta recluta pa pone y detona explosivonan of busca cocaina trafica for di containernan na wafnan di Rotterdam, Vlissinge y Antwerp por ehempel. Ta recluta nan via rednan social manera Snachat, Telegram of Discord, unda tambe nan mester publica video como prueba cu nan a completa nan trabao. “E hobennan aki ta graba e videonan aki como evidencia pa nan clientenan. Nos ta yama esaki un violencia serio. Desafortunadamente, un cierto grupo di hobennan ta pensa cu esaki ta algo grandioso,” Kraag a comenta. Pues e videonan tambe ta un tipo di reclutamento pa hobennan nobo. “Hopi biaha nan ta presenta den estilo di video pa influencianan online cu ta conecta cu hobennan su mundo di experiencia.”

Hobennan cu demostra interes ta ricibi un mensahe, unda e manipulacion ta cuminsa segun Kraag. “E ta algo

sutil, inicialmente hopi amistoso, y hobennan ta ricibi e promesa di placa y cosnan. Na momento cu nan acepta y realisa kico realmente ta spera di nan, nan no por sali mas. Esnan cu ta recluta nan no tin piedad.”

E muchanan aki usualmente no ta realisa e consecuencianan di nan crimen y hopi biaha nan no sa pa ken nan ta traga. “Tambe poco bes nan ta haya e placa cu a priminti nan,” Y hopi biaha ta gara nan. “Despues cu nan a ehecuta nan tarea, nan no tin ningun idea di kico pa haci.”

Kraag ta considera e teenageran aki, hopi biaha di apenas 14 of 15 año, como ambos victima y actor. Nan hefe ta bira lomba pa nan sin piedad algun si nan no completa nan tarea corectamente of si autoridad gara nan. “Nan ta mira e muchanan aki como cos desechable. Y nan ta core un riesgo mas grandi di chantahe of consecuencia violento,” Kraag a conta.

Segun Kraag, e consecuencianan riba red social ta amplio. “No solamente e actor mes, pero tambe nan familiar, bisniña y amigonan por bira victima di e consecuencianan. Esaki ta un di e motibonan dicon nos ta mira e practica nobo aki como un menasa grandi di crimen organisa pa ciudadanonan Europeo.

### Caribbean Palm Village Resort

*We Are*

## HIRING

### Accounting Manager

#### Key Responsibilities

The Accounting Manager is responsible for financial planning and analysis, forecasting, budgeting, cost control and compliance. Responsible for financial reporting to the General Manager and the Board of Directors, as well as compliance with government rules and regulations.

#### Qualifications & Experience

Bachelor's degree in accounting or a related field  
Minimum of 5 yrs of experience in similar position  
Worked in the hotel industry is a plus  
Fluent in English, Spanish, Dutch and Papiamentu

#### Position skills

Excellent leadership, analytical, and problem-solving skills  
Strong communication skills an ability to work collaboratively with Management and the Board of Directors

#### We offer

Competitive salary and benefits  
A dynamic and friendly work environment resort setting

**APPLY NOW** ➔

We invite detail-oriented financial professionals with a passion for hospitality to apply for the Accounting Manager position. Please send your resume, credentials, and a short cover letter to [Mary@cpvr.com](mailto:Mary@cpvr.com)

Applications must be submitted by March 22, 2025



## Corsou: Scolnan basico ta ricibi tablet pa educacion digital

(Curacao.nu) – Scol basico na Corsou a ricibi un impulso nobo pa educacion digital ora di ricibi tablet cu tabata ser usa na e Bureau Central di Estadistica. E aparatonan usa a ser dividi entre varios scolnan.

A entrega e tablet nan na un manera special: nan tabata hinca den un caha di palo cu a ser transforma den un forma di un regalo gigante. Ora e

caha yega na e scolnan, e studiantenan no tabata sa kico tabatin aden. Maestronan a scoge algun estudiante pa habri e caha y revela e ‘Schatkist di Conocemento’.

Pa garantiza un uso sigur y controla di e tablet nan, tur aparato a ser configura di antemano. Acceso na website pa 18+ ta blokia y software educativo, incluyendo e programa ‘Magrid’, a ser instala. Esaki ta un plataforma interactivo especialmente desar-

oya pa studiantenan chikito y mucha cu tin necesidad educativo special. E ta yuda cu e siñamento di lenguahe y number, y tambe ta apropia pa muchanan multilingual, studiantenan cu fondo migratorio y muchanan cu trastorno di enseñansa manera dislexia, dispraxia y discalculia.

Debi na instalacion di e software, e entregamento di e tablet nan a tarda un tiki mas, pero esaki ta segura cu tur stu-



dianta por saca e mihor provecho di e aparato. E reparacion di e tablet nan lo sigui

durante e dianan binidero na otro scolnan.

## Riesgo di labamento di placa na Corsou ta preocupantemente halto debi na trafico di droga y wega di placa online

(Curacao.nu) – Corsou ta un destinacion popular pa labamento di placa pa motibo di un industria di gambling online cu ta grandi cu ta dificil pa controla, criminalidad di droga y un grado halto di pago na cash. Esaki ta resulta for di e rapport ‘Criminal Threats to the Caribbean in 2025’ di InsightCrime, unda e isla ta nombra como un di e lugarnan mas vulnerabel pa practica di labamento di placa den e region Caribense.

Segun e rapport, e traficacion di cocaina ta sigui crece for di Colombia y Venezuela, y Corsou ta duna un sitio central pa esaki. Su posicion strategico y su status como parti di Reino Hulandes ta haci e isla un intermedio masha atractivo pa transportacion di droga na Europa. Grupo mafioso Italiano, manera ‘Ndrangheta y Camorra, tin hopi aña cu nan ta relaciona cu organisacionnan criminal local manera No Limit Soldiers di Curacao, aumentando e scala di labamento di placa.

### Industria di Weg di Placa

E raport ta indica tambe cu e industria grandi di gambling online, conoci como iGaming – ta un punto di riesgo importante pa labamento di placa. Aunke tin esfuersonan reciente pa mehora regulacion, e sector ainda no tin suficiente transparencia ni control ariba e situacion. E falta di reglanan stricto ta atraai organisacionnan criminal cu kier sconde placa ilegal.

Ademas, investigadornan ta adverti tocante e aumenta di uso di moneda blockchain den paisnan Caribense manera St. Lucia, Antigua, Barbuda y Bahamaa. E tecnologia nobo aki ta haci transaccionnan financiero mas dificil pa controla y ta aumenta e posibilidad pa abuso di criminalnan.

Segun e Basel Anti-Money Laundering Index, hopi pais den e region Caribense ta ser considera como riesgoso pa labamento di placa. Falta di control ariba financia politico, economia grandi di cash y capacidnan limita pa supervision bancario ta sigui facilita labamento di placa.

E Basel Anti-Money Laundering Index ta un ‘ranglijst’

internacional cu ta evalua paisnan ariba nan riesgo relaciona cu labamento di placa y financia di terrorismo. E index ta ser publica anual pa e Basel Institute on Governance y ta midi e vulnerabilidad di paisnan basa ariba factornan manera transparencia financiero, nivel di corrupcion y efectividad di ley y regulacion.

“Corsou ta na riesgo pa bira un hub mas grandi pa labamento di placa, como resultado di e relacionnan internacional y local di rednan criminal, y falta di suficiente supervision financiero,” segun e rapport.

### Insight Crime

Insight Crime, e organizacion patras di e rapport, ta un plataforma investigativo internacional cu ta specialisa den analisa criminalidad organisa den Latino America y e region Caribe. Nan ta traha hunto cu expertonan local, ciudadano y gobiernonan pa duna rapport profundo y analisis ariba tendencianan criminal y seguridad den e region. Insight Crime su resultado ta ser usa regularmente pa trahador di polisa, academico, y medianan

di comunicacion pa gana mas claridad tocante operacionnan di rednan criminal y nan impacto ariba seguridad, politica y economia.



### EXECUTORIALE VERKOOP

Ten overstaan van notaris mr. Chamila Agnella Tromp of haar waarnemer zal op **vrijdag 11 april 2025 om 10:00 uur 's-morgens in het Auditorium van de Kamer van Koophandel te Aruba** aan de J.E. Irausquin Boulevard 10, Oranjestad, Aruba, in één zitting bij opbod en afslag in het openbaar worden verkocht, ex artikel 502 en verder van het Wetboek van Burgerlijke Rechtsvordering van Aruba:

1. een leeg perceel eigendomsgrong plaatselijk bekend als

### SEROE JANCHI z/n

een perceel eigendomsgrond groot 895 m<sup>2</sup>, gelegen te Seroe Janchi in Aruba, kadastraal bekend als Eerste Afdeling Sectie L nummer 4292.

**Inzetprijs: Afl. 322.000,00**

2. een leeg perceel eigendomsgrong plaatselijk bekend als

### TARABANA z/n

een perceel eigendomsgrond van 702 m<sup>2</sup> gelegen te Tarabana in Aruba, kadastraal bekend als **Eerste Afdeling, Sectie P, nummer 3359, indexnummer D 1537**

**Inzetprijs: Afl. 224.000,--**

**Op deze registergoederen kan geen onderhands bod worden uitgebracht.**

Iedereieder is gehouden, zowel bij het uitbrengen van een onderhands bod als op de veiling zelf, zich te legitimeren met een geldig paspoort of ID en middels een bereidheidsverklaring, een bankgarantie of andere vorm van zekerheid aan te tonen aan de Executant in staat te zijn tot nakoming van zijn bod en de bijkomende kosten.

De Executant behoudt zich het recht voor de executieveiling uit te stellen dan wel op te houden zonder daarvoor de reden te noemen.

Op de veiling zijn van toepassing de Algemene Veilingvoorwaarden voor Executieveilingen (AVVE) en de Bijzondere Veilingvoorwaarden zoals vastgesteld door notaris mr. Chamila Agnella Tromp.

**Voor vragen of meer informatie kunt u een email sturen naar [auction@newleafaruba.com](mailto:auction@newleafaruba.com) of de volgende website bezoeken:**

[www.newleafaruba.com](http://www.newleafaruba.com)





# Gang Tren de Aragua a cuminsa den un prison di Venezuela. Awor politica di Merca a enfoca riba e banda

(AP) — Debate ariba politica migratorio di Presidente di Merca Donald Trump ta enfoca riba e banda Venezolano Tren de Aragua, pa algun un organisacion criminal transnacional sin piedad, y pa otro un excuus pa un narrativa anti-migrante exagera.

Trump a cualifica Tren de Aragua como un forsa invasor diasabra, ora el a enfoca e Alien Enemies Act, un ley poco usa di 1798 cu ta permiti e presidente deporta tur stranhero durante guerra. Un par di ora despues, e administracion di Trump a move centenres di inmigrante pa El Salvador mientras un hues federal a ordena pa temporalmente para e deportacion. E avionnan ya tabata den aire ora e orden di hues a sali.

E Alien Enemies Act ta exigi un presidente pa declara Merca na guerra, dunando su mes poder extraordinario pa detene of move stranhero cu ley di emigracion of criminal cu normalmente ta proteha. E ley a ser usa solamente tres biaha — e ultimo biaha pa hustifica e detencion di ciudadanonan Hapones durante Segundo Guerra Mundial.

Administracion di Trump no a identifica mas di 200 migrante deporta, ni a presenta ningun evidencia cu nan ta miembronan di Tren de Aragua of cu nan a comete algun crimen na Merca.

## Gang ta bira notorio na Merca

Di e centro di e pais te na e ciudadnan grandi manera New York y Chicago, e gang ta haya culpa pa trafico sexual di hende, contrabanda di droga y tiroteonan contra polis, y tambe pa explotacion di mas di 1 miyon di migrante Venezolano cu a crusa pa Merca durante ultimo añanan. Trump a conta na Congreso e luna aki cu un migrante Venezolano haya culpable di asesinato di Laken Riley, un estudiante di enfermeria di 22 aña, ta un miembro di e gang.

Tamaño di e gang no ta cla, mescos cu e grado na cual su accionnan ta coordina a traves di lineanan estatal y fronteranan nacional.

E gang Venezolano a drenta discurso politico di Merca despues cu un video di cama-



ra di seguridad ariba rednan social durante berano pasa a muestra hende fuertemente arma drentando un apartamento den suburbio di Aurora na Denver, poco prome cu un tiroteo mortal pafor. Den respuesta, Trump a priminti di libera Aurora di Venezolanonan cu e falsamente a bisa ta “tumando henter e pueblo.”

E ciudad a inicialmente minimisa e preocupacionnan. Pero mayoria di e compleho di apartamento a ser cera den un orden di emergencia un luna pasa, despues cu oficialnan a sospecha Tren de Aragua como responsable di un secuestro y di asalta dos residente.

Mayoria di e hombernan mira den e video a ser aresta, cu Agencia di Inmigracion y Aduana I (ICE) acusando nan di ta miembronan di e gang.

## E Tren a origina den un prison famoso

E Tren ta trace su origen mas di un decada atras den un prison famoso sin ley cu criminalnan duro den estado Aragua. El a expande durante e ultimo añanan mientras mas di 7.7 miyon di Venezolano a huy di crisis economico bao di gobierno di Presidente Nicolás Maduro y a migra na otro lugarnan di Latino America of Merca.

Paisnan manera Peru y Colombia, tur cu gran poblacion

di migrante Venezolano, a acusa e grupo di ta patras di un racha di violencia den un region cu pa hopi tempo tin e cantidad di asesinato mas halt na mundo. Algun di crimennan den e region a plama panico den barionan pover, unda gang ta extorsiona negoshinan y ta cobra residente ilegalmente pa “proteccion”. E gang ta opera como un red los den U.S. Tattoos, cu ta comun entre gang di Centro America, no rekeri pa esnan afilia cu e Tren, segun Ronna Risquez, un periodista Venezolano cu a skirbi un buki na 2023 tocante e origen di e organisacion, a bisa.

Algun Venezolano deporta a bisa cu nan ta kere cu autoridadnan di Merca ta husga hende malo basa ariba tatuahe y a usa nan tatuahe como un excuus pa deporta nan.

## Trump ta apunta ariba e Tren

Na su prome dia den oficina, Trump a tuma pasonan pa designa e gang como un “organizacion terrorista stranhero” hunto cu varios cartel di droga Mexicano. E administracion Biden a sanciona e gang y a ofrece 12 miyon dollar como recompensa pa aresto di 3 di nan lidernan.

E orden ehecutivo di Trump diasabra a acusa e banda di traha cerca cu oficialnan Maduro, pa infiltra fluhonan migratorio, inunda Merca cu cocaina y trama contra e pais.

“E resultado ta un estado criminal hibrido cu ta comete un invasion y incursion predatorio den Merca, y cu ta trece un peligro substancial pa Merca,” e orden ehecutivo di Trump ta bisa.

Wes Tabor, cu ta cabes di e oficina di Drug Enforcement Administration (DEA) na Venezuela ora e gang a subi radar di ley, a bisa cu e decision di Trumpa pa duna DEA y otro agencia federal autoridad pa aresta inmigrante ta un “multiplicador di forsa” cu lo reduci actividadnan di Tren na Merca.

Tabor a bisa cu autoridadnan mester construi un base di dato robusto manera nan a haci ora a combati MS-13 di El Salvador, cu datonan biometrico, informacion di aresto y inteligencia forensico internacional. Oficialnan Venezolano ta protesta

Na Venezuela, oficialnan originalmente a expresa confusion ariba interes di Merca ariba e Tren, afirmando cu e grupo a ser desmantela na 2023 despues cu nan a tuma control back di e prison unda e grupo a nace. Nan tambe a pone condicionnan pa cooperacion cu vuelo di deportacion di Merca ariba progreso den otro area den relacion bilateral.

Jorge Rodriguez, e negocia-

dor principal di Maduro cu Merca, a acusa Washington di disemina un narrativa falso ariba e banda, añadiendo cu mayoria di inmigrante Venezolano ta hende decente. El a caracteriza e transferencia di inmigrante na El Salvador como un secuestro y a bisa cu gobierno lo desafia “crimen contra humanidad” dilanti Nacionnan Uni (UN) y otro organismo internacional.

“Nan no ta detene nan, nan ta secuestrando nan y expulsa nan,” el a conta periodista di-aluna. El a agrega cu Venezolano deporta na El Salvador no por ser wanta den un prison pasobra nan no a comete ningun crimen den e pais.

“Nos kier nan tur back,” Rodriguez a bisa, lider di Asamblea Nacional di Venezuela. “Nos ta haci tur cos cu por... nos ta bay hasta papia cu e diablo, pa Venezolanonan bay back na nan pais”.





## Haiti: Persona arma a ataca convoy cu tabata evacuando personal medico despues di ofrece ayudo na hospital temporal

(AP) — **Dokter sin Frontera a bisa dialuna cu cuater di su vehiculonan a sufri di atake cu tiro mientras cu nan ta evacua personal for di un hospital temporario den capital di Haiti mientras cu violencia di gang ta crece den e ciudad.**

E organisacion di ayudo a bisa cu e ataca a pasa despues cu nan a dicidi di suspendi servicionan na Turgeau Emergency Center diasabra door di e “pelea brutal ariba caya” cu ta

yegando mas y mas cerca di e facilidad. El a bisa cu un di su convoys “tabata riptitadamente y intencionalmente ser ataca, a pesar di coordinacion antemano cu autoridadnan.”

Ningun a muri, pero algun miembro di personal a sufri herida chikito, Benoit Vasseur, cabes di mision na Haiti a bisa.

“Actualmente, no ta posible sigui operacion na hospital, pero nos ta compromete pa habri e facilidad back mas



pronto posible ora e situacion lo permiti nos haci esaki di forma segura,” el a bisa.

Dokter sin Frontera a bisa

cu esaki ta e di dos biaha den menos di cuater luna cu nan a keda forsa pa suspende operacion na e hospital temporal na Port-au-Prince.

Turgeau Emergency Center ta un di e hospitalnan cu tabata funcionando completo den capital di Haiti, mientras cu gang cu control di 85% di Port-au-Prince ta intensifica atake pa controla mas teritorio.

Mas cu 5,600 persona a muri durante aña pasa na Haiti, cu violencia di gang den e ultimo añanan lagando mas cu miyon persona sin cas, segun Nacion Uni (UN).

## Peru ta declara emergencia y ta desplega ehercito mientras violencia ta surgi den capital

(AP) — **Presidente di Peru a declara un estado di emergencia den capital dialuna y a ordena e desaroyo di soldad pa yuda polis enfrente e aumento di violencia, durante un tranquilidad general despues di e asesinato di un cantante popular.**

Gobierno di presidente Dina Boluarte a publica un decreto cu ta indica cu e estado di

emergencia lo dura 30 dia, y autoridad lo restringi algun derecho, incluyendo e libertad di asamblea y movicion. Esaki kemen cu polis y ehercito lo por detene persona sin orden hudicial.

Peru ta experienciando un aumento den asesinato, extorsion violento y atake na lugarnan publico den e ultimo tempo. Polis a reporta 459 asesinato entre 1 di januari y

16 di maart, y 1,909 reporte di extorsion na januari solamente. Pero e frustracion a subi despues di e asesinato di Paul Flores, e cantante principal di e banda cumbia Armonia 10, diadomingo pasa.

Den Congreso, legisladornan di oposicion a pidi un voto di no confiansa contra e Ministro di Interior Juan José Santiváñez pa loke nan ta yama un falta di plan pa combati e aumento di violencia. E voto ta spera di ser

discuti den plenaria di Congreso mas laat e siman aki.

Flores a ser asesina trempa ariba diadomingo ora cu asaltantenan a ataca e bus cu e y su banda tabata biahando aden despues di un concierto na Lima. Cumbia ta un estilo di musica Latino cu hende ta baila na ritmo di tambor, maraca y otro instrumento.

E atake contra e cantante popular no ta e unico evento violento durante e fin



di siman. Diasabra, un obheto a explota na un restaurant den capital, y a herida por lo menos 11 persona.

Gobierno di Boluarte a declara un estado di emergencia caba entre september cu december den un intento pa para violencia.

## Acuerdo nobo lo aumenta e cantidad di gas natural likido cu ta yega Puerto Rico pa combati black out



(AP) — **Un partnership nobo entre e compania maritimo Mericano Crowley y grupo Energetico di Spaña, Naturgy Energy Group, a anuncia diamars, y ta spera di aumenta e cantidad di gas natural likido cu ta yega na Puerto Rico mientras e isla ta bataya cu black out cronico.**

Un tanker cu por entrega mas di 34 miyon galon (129 miyon liter) di gas natural likido ta programa pa haci su prome biahe pa e teritorio Mericano e luna aki como parti di un contrato multianual entre e

dos companianan. Detaye di e partnership no a ser duna. E ta e prome tanker domestico cu ta entrega gas natural likido cu a ser compra na e continente Mericano pa Puerto Rico. Ta spera pa e biaha pa e isla cada dos siman.

Gobernador Jenniffer González a nombra e tanker como “un paso importante pa confiabilidad di suministro di combustible na Puerto Rico pa nos sistema energetico.”

Actualmente, barconan di container ta entrega un cantidad masha tiki di gas natural likido na Puerto Rico.



**WE ARE  
HIRING**

Your Next Opportunity Awaits

**WE ARE OPEN FOR**

- Maintenance handy man
- Gardener
- Laundry Attendant
- Houseman
- Room-attendant
- Bellboy Part timer

**We offer:**

**Competetive Wages,  
Bonus, Savings, Life  
Insurance**

**APPLY NOW**

Please send your cv to : [mary@cpvr.com](mailto:mary@cpvr.com)

For hand delivered application, please pass by our  
Human Resources Office,

From Monday - Friday between 9:00 am and 3:00 pm





## Rey Charles III tin plan di reuni cu Papa Francisco durante bishita na Vaticano den april

(AP) – Rey Charles III tin den su schedule un audiencia cu Papa Francisco durante un bishita estatal proximo luna na Vaticano, sugeriendo cu e ta optimista cu e Papa lo bolbe trabao pa e tempo aki, descartando cualkier atraso den su recuperacion.

E audiencia tentativo ta entre e detayenan di e monarca Britanico su bishita na Vaticano y Italia diamars revela pa Buckingham Palace. Bishitanan estatal semper ta plania cu consulta di cerca cu e Vaticano su secretario di estado.

E palacio a confirma por separa cu Charles a tuma contacto cu e Papa priva ora cu el a bira malo. FRancis, di 88 ana, a keda hospitalisa desde 14 di februari. Cu mehoracion gradual, e Vaticano a bisa dialuna cu el a suspende actualisacionnan di mainta y lo emiti boletin medico menos frecuente. E proximo boletin lo yega prome cu diaranson.

E bishita na Vaticano ta simbolico na esfuersonan pa crea lasonan mas cercano entre Misa Catolico y Misa di Inglatera, cual a separa for di



Roma den siglo 16 durante e reino di Rey Henry VIII. Charles, ken ta cabes di Misa di Inglatera, a haci crea brug cu persona di tur fe un prioridad desde cu el a subi trono 2 aña y mey atras.

Charles su trip di 3 dia ta cuminsa dia 7 di april y tambe lo inclui eventonan na Italia y su capital, Roma, cual ta rondona Vatican City.

Na Roma, Charles a enfatisa e lasonan cercano entre Britania y Italia, dos aliado di NATO, den un tempo unda nacionnan Europeo ta trahando pa mehora sosten pa Ucrania su lucha contra Ru-

sia su agresion. E bishita lo inclui un show di ekipo acrobatico aereo di Italian Air Force, Frecce Tricolori y nan colega di Royal Air Force, Red Arrows.

E rey y reina lo atende un recepcion na Ravenna, den e region Emilia-Romagna di parti nort di Italia, pa marca e di 80 aniversario di e region su liberacion di Nazi. E famia real tambe lo celebra e cuminda di e region y reuni cu agricultornan local impacta pa inundacionnan cu recientemente a golpia e area. “Nan bishita lo enfatisa e profundidad y hanchura di e relacion bilateral,” e palacio a bisa den



un declaracion

Un di e eventonan central di Charls su biahe pa Vaticano lo ta un prome historico den cual e rey, den su capacidad como gobernador supremo di Misa di Inglatera, lo bishita Basilica Papal, unda e reconciliacion y relacion entre fe Cristian ta celebra.

Reynan Ingles tin un conexion particular na e basilica,

specialmente prome cu e separacion for di Roma durante e reformation protestant. A construi e misa riba un material cu pa alrededor di 2,000 aña ta sospecha di ta e tumba di St. Paul.

E bishita lo tuma luga durante e hubileo di e Papa, un aña di pordon y reconciliacion cu ta celebra pa Misa Catolico cada 25 aña.

## Taiwan ta investiga 2 influencer Chines pa comentarionan tocante ‘union’

(AFP) - Dos influencer bibando na Taiwan ta bao investigacion a causa di nan comentario “bogando pa union” cu China, un oficial di inmigracion na Taipei a bisa diamars, dianan despues cu e agencia a duna ordo na un tercer influencer Chines pa sali for di e isla.

E ultimo investigacionnan aki ta bini mientras Taipei ta adverti contra profundisa infiltracion Chines riba e isla cu ta goberna su mes, cual Beijing ta bisa ta parti di su territorio y a menasa di tuma esaki cu forza.

Agencia Nacional di Inmigracion (NIA) tabata investigando 2 influencer identifica como En-qi y Xiao-wei a causa di nan “declaracionnan cu ta boga pa union,” un oficial di NIA a conta AFP bao condicion di keda anonimo.

E 2 hende muhe a publica video riba Douyin, e version Chines di TikTok.

Durante fin di siman, NIA



a duna ordo na otro influencer Chines identifica pa su fam Liu, pa sali for di Taiwan despues cu supuestamente el a haci yamado pa “forsa e union” den su videonan publica riba Douyin. “NIA ta enfatisa cu, pa motibo cu Liu ta boga pa union haciendo uso di violencia, cual a causa preocupacion publico significativo y a posee posibel menasa na seguridad nacional y

stabilidad social, e mester cumpli cu e ordo di salida durante e tempo stipula,” NIA a bisa den un declaracion dia-domingo. “Si no cumpli cu e ordo aki, e lo keda deporta di acuerdo cu ley.”

E oficial di NIA a conta AFP diamars cu Liu “mester sali di e pais dentro di 10 dia, cuminsando e dia despues cu a ricibi e ordo. Ya caba a manda

e carta. Mi no por confirma si a ricibi esaki of no,” e oficial a agrega.

Liu, ken ta bisa cu e ta di e provincia Chines Hunan, a comparti un compilacion di algun di su videonan cu su mas di 485,000 sigui riba di-aluna. Den un video, el a bisa cu “Taiwan semper tabata China su territorio, pero awo DPP ta pushando Taiwan den

e peliger di guerra,” referiendo na Partido Democra Progresivo di President Lai Ching-te.

Liu a bisa cu “segun Artikel 8 di Anti-Secession Law.. China no tin mester di otro motibo mas pa usa forza contra Taiwan!”

“Mi stima China y mi stima Taiwan. Mi ta sostene un reunion pacifico pa motibo cu ambos banda di Taiwan Strait ta hende Chines. Hende Chines no mester pleita cu hende Chines.

Diahuebs ultimo, Lai a yama China un “forsa exterior hostil” y a propone medidanan pa combati spionahe Chines, infiltracion y esfuersonan pa debilita Taiwan su sentido di identidad.

Entre e proposicionnan, ciudadanonan Chines aplicando pa un residencia permanente na Taiwan mester “formalmente renuncia nan registracion Chines y paspoort di acuerdo cu ley di Taiwan,” Lai a bisa.



## No a haya ningun “obheto medico” rond di Maradona na momento di su morto

(AFP)—Un agente policial cu tabata entre e promenan na e sitio di Diego Maradona su morto cuatro aña pasa, a conta un corte ayera cu e “no a mira ningun obheto medico” den e camber unda e futbolista legendario a ricibi cuido post-operati-

vo na cas.

Agente Lucas Farias a testifica den e huicio di siete profesional di salud acusa di homicidio pa nan supuesto rol den loke fiscalnan a describi como e “teatro di horror” di Maradona su ultimo dianan.

Farias a bisa cu e “no a mira obhetonan medico den e camber. Mi no a mira ningun serum cu mi ta kere mester ta parti di e hospitalisacion na cas,” referiendo na un inyeccion di IV. Farias tabata un di cuatro agente policial pa duna evidencia ayera, un siman despues cu e huicio a habri na San Isidro den e suburbanon norte di Buenos Aires.

“Loke a gara mi atencion tocante Diego Maradona tabata su posicion cara ariba cu un abdomen asina hincha cu ta parce e lo rementa,” segun Farias. “Mi tabata sorprendi pa mira Maradona den e estado ey, mi nunca a pensa mi lo haya mi mes enfrente cu e imagen ey.”

Maradona a fayece dia 25 di november 2020, na edad di 60 aña, mientras e tabata recupe-



rando na cas for di un operacion celebral pa un bloodstol-sel, algun decada despues di lucha cu adiccion na cocaina y alcohol. A determina cu el a fayece di fayó di curason y acut edema pulmonar, un condicion unda fluido ta acumula den e pulmonnan.

Riba huicio ta un neurociru-hano, un psicologo, un coordinador medico, coordinador di nursing, un dokter y un nurse di anochi acusa di ta criminalmente negligencia den e cuido cu nan a provee

na e futbolista durante su ultimo dianan.

Fiscalnan ta alega cu nan a bandona e futbolista pa su destino pa un “periodo prolonga y doloroso” prome cu su morto. E acusadonan ta enfrente sentencianan di prison di 8 pa 25 aña si nan ser condena di “homicidio cu posible intento”—persiguiendo un curso di accion a pesar di sa cu esaki por causa morto. Ta anticipa casi 120 testigo pa testifica den e huicio anticipa pa core te cu juli.

## Queen, Herbie Hancock y Barbara Hannigan ta gana premio di musica Sueco



(AFP)—Banda legendario di rock Queen, musico Mericano di jazz Herbie Hancock y soprano y conductor Canades Barbara Hannigan a gana e Polar Music Prize di Suecia ayera, segun e hurado a bisa.

Queen—forma den 1970 y famoso pa su hitnan incluyendo “Bohemian Rhapsody”, “We Will Rock You” y “Somebody to Love”—a ser honra pa su “melodia distinto y reconocible, cu nigan hende mas por emula,” e fundacion di Polar Music Prize a bisa.

“Mita siglo despues cu nan a haci nan grabacion, e canticanan di Queen ainda ta conoci tur caminda y ta atrae un generacion nobo di amante,” el a bisa. Marie Ledin, e director di gerencia di e Polar Music Prize, a bisa cu e banda tabata “sinonimo cu e fabrica di cultura popular.”

El a gaba Hancock tambe como “un musico legendario cu a logra hopi,” di ken su musica a “pusha e limitenan den jazz, funk, soul y R&B.”

“Nos ta contento di honra su legacia duradero,” el a bisa. E fundacion a bisa cu Hancock su “Cantaloupe Island”, “Watermelon Man” y “Maiden Voyage” a influencia e desaroyo di jazz.

E comite a gaba Hannigan como “un pionero.” El a conduci algun di e top orkestanan na mundo—incluyendo e

London Symphone Orchestra, e Koninklijke Concertgebouworkest di Amsterdam y e Gothenburg Symphony Orchestra—y a interpreta hopi di e componentenan contemporaneo na mundo.

“Semper prepara pa pusha e limitenan, e tin un talento unico pa amplia e horizonte di e scuchador cu e musica cu e ta scoge pa programa, presenta y graba,” e hurado a bisa. E laureadonan lo ricibi nan premio durante un ceremonia na Stockholm dia 27 di mei. Esaki ta inclui un prijs di placa di casi 100,000 dollar cada un.

E Polar Music Prize a ser estableci na aña 1989 pa e difunto Stig Anderson, gerente di superestresanan di pop, Abba, y ta selecta dos of tres laureado tur aña. Aña pasa el a honra leyenda di disco Mericano Nile Rodgers, di ken su hitnan ta inclui “Le Freak” y “Good Times”, como tambe conductor y compositor Finlandes Esa-Pekka Salonen.

Ganadornan den pasado tambe ta inclui Iggy Pop, Paul McCartney, Grandmaster Flash, Metallica, Sting, Bob Dylan, Ravi Shankar, Dizzy Gillespie y e Institutio Nacional Afgano di Musica.



## Aruba Bank a patrocina cu orguyo e Festival Un Canto Pa Aruba Su Himno y Bandera 2025



**Aruba Bank a patrocina e di 28 edicion di Festival Un Canto Pa Aruba Su Himno y Bandera 2025 - Adulto. Como un sostenedor dedica na e herencia cultural di Aruba, Aruba Bank ta honra di por a patrocina e premio pa e ganador absoluto di evento cultural importante aki.**

E festival, cu ta celebra e identidad nacional di Aruba via musica y folklore, a tuma lugar fin di siman na Plaza Libertador G.F. Betico Croes. E evento a enfoka riba e importancia di preserva y promove e musica tradicional di e isla, cu categorianan special pa reconose tanto composicionnan moderno como tambe tradicional (Tipico di Antes).

Como patrocinado di e ganador, Aruba Bank a reafirma su compromiso pa stimula talento local y promove expresion cultural. E banco ta reconose e balor di evento manera esaki cu ta fortalece laso den nos comunidad y ta fomenta un sentido di aprecio profundo pa e herencia cultural di Aruba.

Aruba Bank ta felicita tur participante, finalistanan, y especialmente e ganadornan, cu a demostra talento excepcional y cu a contribui na e celebracion di e identidad nacional di Aruba. Alabes ta gradici nos comunidad cu a atende e evento den gran forma y cu a pasa bishita nos photoboot.

**Pabien na e ganadornan absoluto:**  
Jair Buddy Vesprey y Jean-Paul Lacle.





## Messi fuera di clasificacion di Mundial contra Uruguay y Brazil debi na lesion

(AP) — Lionel Messi no lo participa den e weganan di clasificacion pa Mundial di Argentina contra Uruguay y Brasil den e prome 8 dia pa causa di un lesion na su aductor.

Messi, di 37 aña, no ta inclui den e grupo di 25 hungador anuncia dialuna pa Lionel Scaloni. Mas despues ariba dialuna, Inter Miami a informa cu Messi, e hungador mas importante (MVP) di Major League Soccer, a pasa un MRI “pa evalua e grado di incomodidad den su region di aductor,” un lesion cu e ekipo a indica cu a pasa durante e victoria di Inter Miami contra Atlanta United diadomingo.

“Esaki e examinacion a confirma cu ta un lesion di un grado abao na e musculo di aductor,” Inter Miami a bisa. “Su progreso clinico y respuesta na tratamiento lo determina si e lo ta disponibel pa



hunga den competencia.”

Media Argentinero a reporta cu Messi a sufri un dolor na su musculo di su pia banda robes diadomingo durante e victoria 2-1 di Inter Miami contra Atlanta United.

Argentina, cu ta lidera den Sur America, lo bishita Uruguay, cu ta na di dos lugar ariba diabierna y despues lo

hospeda Brazil, cu ta na di cinco lugar, cuatro dia despues na e Stadion Monumental na Buenos Aires.

Messi no tabata e unico ausente pa e dos weganen cu por determina e clasificacion di Argentina. Pauli Dybala, Gonzalo Montiel y Giovani Lo Celso tambe no lo t'ey.

Scaloni tambe a saca Alejandro Garnacho y Claudio



Echeverri for di e grupo mas grandi cu a ser anuncia 2 di maart.

Messi, e ganador di 8 Ballon d'Or, cu tabata capitan y a lidera Argentina pa gana e titulo di Mundial 2022, a keda afor varios biaha pa Inter Miami e temporada aki pa causa di preocupacionnan di lesion.

E luna aki, Messi a falta tres

wega pero a regresa diahuebs pa e di dos wega di ronda di 16 di CONCACAF Champions Cup contra Cavalier SC.

E coach di Inter Miami, Javier Mascherano, a bisa cu Messi tabata cla pa cuminsa contra Atlanta diadomingo. Messi a hinca un gol den minuut 20, net prome cu el a reporta cu e la keda lesiona.

## Organismo Atletico Britanico ta declara inocencia pa acusacion di homicidio imboluntario den morto di atleta paralimpico

(AP) — E organismo di gobierno atletico na Reino Uni y un oficial di deporte a declara inocencia riba diamars pa e acusacion di homicidio imboluntario, relaciona cu e morto di un atleta paralimpico cu a haya golpi na cabes cu un palo di metal durante training na 2017.

E atleta di 36 aña, Abdullah Hayayei, cu a representa Emirato Arabe Uni (UAE), a sufri un lesion na Newham

Leisure Centre na Londres, dia 11 di juli 2017, y a ser pronuncia morto na e sitio di e incidente.


E tabata entrenando pa prepara pa e campeonato mundial di para atletismo di F34, cu ta inclui discus, javelin y shot put, ora un parti di un haula di lansamento a cay ariba dje.

Keith Davies, cu segun polis tabata e cabes di deporte pa e campeonato mundial di atletismo paralimpico di 2017,

a ser acusa di homicidio pa negligencia y un delito di seguridad y salud, segun polis y e Crown Prosecution Service a bisa na januari.

UK Athletics, e organismo gobernante na e pais, a ser acusa di homicidio corporativo y un delito di seguridad y salud.

Un huicio di ocho siman ta programa pa cuminsa 12 di october di 2026.



### Tracy Morgan a bisa cu e ta bon

## Intoxicacion alimentario a causa incidente na wega di basketball di Knicks contra Heat

(AP) — Tracy Morgan a bisa cu el a bira malo pa motibo di intoxicacion alimentario durante e wega di Knicks contra Heat ariba dialuna, pero cu e “ta OK”.

E actor-comediante a post un actualisacion ariba Instagram diamars mainta, cu un potret hariendo desde su caminda pa hospital, y a duna danki na fanaticonan pa nan preocupacion. E tambe a sugeri humoristicamente cu por ta e episodio di salud ta indica

bon suerte pa Knicks “Mi ta bon awor y dokternan a bisa cu tabata malesa pa motibo di cuminda. Mi ta aprecia mi famia MSG pa bon cuidu y mi mester duna un shout out na e ekipo cu mester a limpia tur cos. Aprecia boso!” Morgan a skirbi.

“Mas importante, Knicks awor ta 1-0 ora mi a saca ariba e cancha, asina cu porta mi mester haci e cos aki den e playoff,” el a comenta, terminando su post cu un hashtag #goknicks.

Morgan a bira malo den e dos mitar di e wega di Heats contra Knicks dialuna, interrompiendo e accion na Madison Square Garden cu 6:09 restante den e tercer cuarto, mientras tanto trahadornan a limpia e area rond di su asiento. E atraso a dura mas di 10 minuut. Ultimamente, Knicks a gana, 116-95.

Morgan, un fanatico di Knicks pa un tempo largo, a keda prominente durante e fin di siman di e 50 aniversario di “Saturday Night



Live”, tanto den e “SNL50: The Homecoming Concert” como den e special en bibo “SNL50: The Anniversary Celebration.”

E tambe tin un pilot di com-

edy sin titulo cu NBC contrario Daniel Radcliffe, unda e ta hunga e papel di un ex-hungador di futbol Mericano desgracia cu ta busca pa reconstrui su imagen.



# Sucesor di Bach mester cabes friu pa guia Olimpiada segun expertonan

(AFP) - Ken cu bini despues di Thomas Bach como presidente di International Olympic Committee diahuebs lo mester tin un “cabes friu” cu algun miembro pensando cu e existencia general di Olympic Movement ta den peligro.

7 candidato ta competiando pa bira e persona mas poderoso den gobernacion di deporte y reemplasa Bach, ken ta retira despues di 12 aña turbulento ora cu e mester a lidia cu Covid, un scandal di doping Ruso ademas di Moscu su invasion na Ucrania.

“Mi ta kere cu esaki ta e eleccion Olimpico mas significante den casi mita siglo,” Michael Payne, ex hefe di IOC Marketing a conta AFP. “Algun miembro di IOC te hasta ta pronostica cu e existencia di Olympic Movement ta den peligro.”

Payne, ken den casi 2 decada na IOC ta credita cu renoba su marca y finanzas via acuerdonan di sponsor, a bisa cu Movement “nunca tabata mas fuerte” danki parcialmente na “e Olimpiada mas grandioso” na Paris aña pasa.

Sinembargo, el a agrega cu e “bista pa futuro ta yen di riesgo.”

“IOC no a enfrenta asina un panorama geopolitico turbulento den varios aña,” e homber di 66 aña a bisa. “Con IOC ta nabega un



mundo politico fractura, manteniendo con universal e ta y con IOC ta interactua cu un mercado cu ta cambia rapidamente lo defini e futuro di Movement.”

Martin Sorrell - ken a funda e gigante den promocion WPP a sinta den IOC su Communications Commission - y el a bisa cu e proximo presidente ta rekeri un set di habilidadnan particular mirando cu e mundo ta “sumamente volatil.”

Cu e proximo Olimpiada den schedule pa tuma luga na Los Angeles den 2028, Bach su sucesor lo mester lidia cu e Presidente di Merca Donald Trump. “E proximo presidente di IOC lo mester poseer habilidadnan politico, tacto, un temperamento fuerte y un man duro,” Sorrell a conta

AFP. “E proximo presidente lo mester bay Cas Blanco y sunchi e renchi. Tambe e lo mester mantene cabes friu bao presion, mirando cu tin 3 desafio geopolitico y geografico den bista - Rusia/Ucrania, China y Medio Oriente cu Iran.”

Pa otro ex ehecutivo di marketing di IOC, Terrence Burns, e proximo presidente mester ta na altura di e desafio di “politiconan su uso di e Olimpiada como un herment politico. Mi ta kere e proximo presidente di IOC mester pasa loke mi ta yama ‘e test di conferencia conhunto,’ nificando cu, ken bo por mira sinta banda di of cerca di e lidernan mundial y haciendo un bon trabao”? El a expresa na AFP.

“IOC mester keda independiente y mi ta kere cu esey lo ta un desafio mas y mas grandi.”

Mientras cu Payne ta kere cu Trump lo “duna sosten increibel” na e Olimpiada di LA, e ta pronostica “nochinan sin descanso” pa e siguiente presidente di IOC.

“Trump su politica di exterior y ordonan ehecutivo repentino prome cu e Olimpiada ta pone den riesgo crea problemanan,” Payne a bisa. “E ta bay tuma habilidadnan politico y diplomatico ademas di agilidad pa garantiza cu tur 205 nacion participa na Los Angeles den 2028 y proteha con universal Olympic Movement ta.”

Sorrell ta bisa “dos hemchi grandi ta geopolitica y tecnologia” y “nos ta mirando esaki nos dilanti. Mi no lo subestima e cambionan politico y tecnologico cu e president nobo lo mester lidia cune,” e

di IOC ta un miembro di 6 Olimpiada victorioso, ta di acuerdo cu esaki.

“Cu tur esaki, ta bisa cu e proximo presidente di IOC lo enfrenta desafionan cu ta bin cu un velocidad cu ningun di e presidentenan anterior nunca por a imagina,” el a declara. “Pues, si, e eleccion aki ta algo grandi den mundo Olimpico y pa deporte global en general.”

E entre e 7 candidatonan pa reemplasa Bach ta Juan Antonio Samaranch Junior, Sebastian Coe y Kirsty Coventry ta esnan cu mas probabilidad.



## EXECUTORIALE VERKOOP

Ten overstaan van notaris mr. Chamila Agnella Tromp of haar waarnemer zal op **vrijdag 28 maart 2025 om 10:00 uur 's-morgens in het Auditorium van de Kamer van Koophandel te Aruba** aan de J.E. Irausquin Boulevard 10, Oranjestad, Aruba, in één zitting bij opbod en afslag in het openbaar worden verkocht, ex artikel 3:268 van het Burgerlijk Wetboek van Aruba:

1. Een woonhuis plaatselijk bekend als

### PAMPOENASTRAAT 15-G

staande op het recht van erfpacht tot 30 juli 2043 op een perceel domeingrond groot 843 m2 gelegen te Tarabana in Aruba, kadastraal bekend als Eerste Afdeling Sectie C nummer 891

**Inzetprijs: Afl. 282.000,00**

2. Een woonhuis plaatselijk bekend als

### LOUISE DE COLIGNYSTRAT 40

staande op het recht van erfpacht tot 21 december 2055 op een perceel domeingrond gelegen aan de Louise de Colignystraat te San Nicolaas in Aruba, zoals nader omschreven in de kadastrale meetbrief nummer 46/1996 (5 M 46/1996)

**Inzetprijs: Afl. 247.000,--**

Iedereieder is gehouden, zowel bij het uitbrengen van een onderhands bod als op de veiling zelf, zich te legitimeren met een geldig paspoort of ID en middels een bereidheidsverklaring, een bankgarantie of andere vorm van zekerheid aan te tonen aan de Executant in staat te zijn tot nakoming van zijn bod en de bijkomende kosten.

De Executant behoudt zich het recht voor de executieveiling uit te stellen dan wel op te houden zonder daarvoor de reden te noemen.

Op de veiling zijn van toepassing de Algemene Veilingvoorwaarden voor Executieveilingen (AVVE) en de Bijzondere Veilingvoorwaarden zoals vastgesteld door notaris mr. Chamila Agnella Tromp.

**Voor vragen of meer informatie kunt u een email sturen naar [auction@newleafaruba.com](mailto:auction@newleafaruba.com) of de volgende website bezoeken:**

[www.newleafaruba.com](http://www.newleafaruba.com)





## Agricultornan y trahadonan tecnologico ta hiba AI campo na Nigeria

(AFP) - Cu algun toque riba su telefon, Dandam Nangor sa exactamente ki temperatura tin den su cas berde, ki ora pa duna awa na su cultivo y te hasta e pH di e tera.

Cu sosten di inteligencia artificial, tur cos ta diseña pa haci e cultivo di su pepper mas facil – y posiblemente trece un era nobo di agricultura na Nigera, unda miyones ta traha den e sector, for di agricultornan na cada biaha mas empleado di tecnologia hoben.

Cu mididor hinca den tera ta colecta data, procesa pa compania local di agri-tecnologia Green Eden y manda pa su telefon, “mi produccion a aumenta cu alrededor di 400 kilogram,” of 20%, Nangor di 34 aña cu ta un analista di IT a conta AFP durante un bishita na su cas berde den Jos.

Granjanan cerca di e capital, cual ta 1,200 meter riba nivel di awa y conoci pa su clima leve, tin hopi tempo ta provee cuminda na e nacion, cu nan frutanan y berduranan den



mercado den henter Nigeria. Sinembargo nan no ta inmunu na e impacto di cambio di clima, mirando cu yobida cada biaha mas iregular ta menasa e agricultornan den henter Africa occidental, cu mayoria di nan operador chikito cu ta opera sin sistemanan automatiza.

Loke tin den wega pa e pais ta grandi: alrededor di 20% di Nigeria su GDP ta bini for di Agricultura. “Esaki tabata e problema simpel, e tempo. Cambio di clima,” Stephanie Meltus, fundador di Green Eden a comenta. Su tecno-

logia ta den uso na mas di 70 granha. “Esey ta loke nos ta purbando di resolve.”

E compania prome a haya financiamiento di amistadnan y famia prome cu mas negoshi y fundacion a cuminsa involucra – dunando un oportunidad pa “cera e buraco” entre Nigeria su escena di tecnologia y su partinan mas aparta, Meltus a comenta. Meltus ta un estudiante di farmacia di 21 aña.

E ciudad central di Jos mes ta birando un tipo di punto agrotecnologico. Mercy Atsuku,



ken ta cria galiña, a conta AFP cu despues di adopta un sistema di monitoreo for di otro agencia local, “di baina nos ta mira casonan di mortalidad.”

E tecnologia, di Anatsor, ta mantene un bista riba temperatura, humedad y calidad di awa y aire na criaderonan.

A causa di cambio di clima, e “e patronchi di tempo ta incierto,” Anatsor su fundador di 24 aña Miriam Agbo a bisa. “Ora cu temperatura ta demasiado halto, e galiñanan no ta come,” el a conta AFP.

Ora cu ta demasiado humedo, “nan ta keda hunto pa mantene otro cayente. Y esaki ta haci cu nan ta sofoca otro.” Awo, cambionan den condicion ta manda directamente na Atsuku su telefon. “Ban bisa cu e awa ta contamina, e no ta bon mas pa e galiñanan. Mi ta haya un notificacion,” el a comenta. “Nunca mas mi tin cu lanta mita di anochi djis pa monitor e galiñanan.”

Aunke e 150 dollar cu el a paga pa e sistema – 3 biaha e salario minimo – por ta fuera di alcance pa algun, “el a reduci hopi stress p’ami.”

## Ex empleado di Meta prohibi di promove memoir explosivo

(AFP) - Meta ta buscando manera di silenciar un ex empleado cu a haci acusacionnan escandaloso den un buki nobo, obteniendo un ordo cu ta temporalmente prohibi su persona di promove e memoir cu ta critica e gigante den tecnologia.

Den “Careless People” A Cautionary Tale of Power, Greed and Lost Idealism,” publica diamars, Sarah Wynn-Williams ta conta con el a traha na e gigante di tecnologia for di 2011 pa 2017.

Su buki ta inclui acusacionnan di acoso sexual pa ehecutivo di e compania Joel Kaplan, un republicano prominente y aliado di president Donald Trump, ken a tuma e posicion di hefe di Meta su ekipo di asuntonan interno anteriormente e aña aki.

Tambe el a skirbi tocante Meta, e tempo ey conoci como Facebook, explorando e posibilidad di drenta e mercado lucrativo di China pa medio di complacencia censura di gobierno di e pais. “E sugerencia tabata parti di e negociacionnan pa e compania



drenta China, e data di usaronan na Hong Kong lo ta den wega,” Wynn-Williams a bisa den un entrevista cu NPR.

Un idea tabata pa reporta contenido di Hong Kong of Taiwan cu bira “viral” y manda esaki na un cuerpo di censura pa evaluacion, segun Wynn-Williams.

Meta rapidamente a hiba esaki na corte di arbitrahe, desafiando cu e buki ta den violacion di un contract di confidencialidad cu Wynn-Williams a firma ora cu el a traha cu e compania su ekipo di asuntonan global.

Un corte di arbitrahe e siman

aki a aproba Meta su peticion pa prohibi cu Wynn-Williams por promove e buki of haci declaracionnan ofensivo tocante e compania. Tambe e mester retira comentarionan critico haci anteriormente tocante Meta y su ehecutivonan, segun e decision, cual lo keda na luga te ora cu resolve e disputa den un proceso di arbitrahe priva.

“E decision aki ta afirma cu Sarah Wynn-Williams su buki falso y difamatorio nunca mester a keda publica,” director di comunicacionnan di Meta Andy Stone a publica riba X. “E no ta un secreto cu nos tabata interesa den China; nos ta explora varios idea,” Stone a bisa. “Bo



sa kico no a pasa? Nos no a cuminsa ofrece nos servicionan na China.”

Stone a bisa cu Wynn-Williams a keda “despedi pa mal resultado na trabao y comportamiento toxico,” haciendo un gran cantidad di acusacionnan sin base cu e compania a investiga.

E ordo di e cuerpo di arbitrahe, International Centre for Dispute Resolution, sinembargo no ta stop Macmillan Publishers di distribui copia di e memor. Macmillan a bisa cu e ta “sorprendi pa Meta su tactica di silenciar nos autor via e uso di un clausula di confidencialidad den un acuerdo ora di kita hende for di trabao,” agregando cu e lo

“absolutamente sigui sostene y promove” e buki.

Nicholas Gowan a nota cu Wynn-Williams no a presenta pa e caso di e audiencia, sinembargo e decision no a atende e meritonan di e caso.

Recientemente Meta a ricibi critica pa motibo cu a retira esfuersonan di diversidad na trabao y di bataya contra mal informacion den loke criticonan ta bisa ta esfuerso di alinecu cu Trump.

Meta anteriormente e aña aki a anuncia cu e lo reemplaza su programa di fact-checking, di cual AFP tabata forma parti, cu “nota di comunidad.”



## Accidente pa falta di preferencia na e rotonde pa bay hospital



**Dialuna mainta a drenta informe di un accidente na e rotonde pa bay hospital, mesora a dirigi un patruya na e sitio.**

Na yegada di e patruya a bin compronde cu aki ta trata di

un accidente unda cu un turista chauffeur di un Hyundai Elantra no a para pa duna preferencia na e s.u.v. riba e rotonde y a bay dal riba dje. Afortunadamente ningun hende a resulta herida.

## Chauffeur a dal otro auto pone perde control bay dal cura di cas y palo di luz



**Dialuna mainta a drenta informe di un accidente cu hende herida na Savaneta, mesora a dirigi tanto polis como ambulance na e sitio.**

Na yegada di e patruya a bin compronde cu un chauffeur

a perde controla y bay dal un auto, pone esaki tambe perde control bay dal un palo di luz y un cura di cas. E chauffeur di e auto aki a resulta herida y tabata rekeri atencion medico di ambulance. Na yegada di e ambulance nan a atend'e.

## Agresion contra adicto ambulante a resulta den un kaak deslocalisa



**Diadomingo merdia a drenta informe di un caso di maltrato pabao di EL-MAR na Oranjestad.**

Durante patruya polis a bin

descubri cu e adicto ambulante "Henky" a ser agredido door di un otro persona y a lesion'e na su kaak. Polis a pidi presencia di ambulance y na yegada di e ambulance

nan a atend'e y a ripara cu di berdad nan a maltrat'e. Cu urgencia nan a transport'e pa hospital.

## Auto casi a drenta Welcome Snack

**Diadomingo mainta a drenta informe di un incidente unda un auto casi a drenta Welcome Snack na De La Sallestraat, mesora a dirigi un patruya na e sitio.**

Na yegada di e patruya a bin compronde cu e chauffeur ora di primi brake a primi trot y e auto a bay dal riba e tubonan y dobla esakinan. Afortunadamente ningun hende a resulta herida.



## Polis investigando posibel accidente unda auto lo a dal un peaton na Bubali



**Diadomingo anochi laat a drenta informe di cu tin un persona cu a yega pa pidi ayudo y a sak den otro na Bubali, mesora a dirigi tanto polis como ambulance na e sitio.**

Na yegada di e patruya no por a logra saca nada for di e victima. Polisnan a puntra rond kico por a pasa pero ningun hende no tabata sa. Ta supone cu auto lo a dal e. Na yegada di e ambulance nan a atend'e

y a transport'e cu urgencia pa hospital. Polis a keda di revisa camaranan di seguridad den e vecindario pa haya e contestanan.



## Chauffeur a bay bira sin a mira motociclista ta bini na Bubali

**Diabierna anochi a drenta informe di un accidente cu hende herida dilanti “E Boco” na Bubali, mesora a dirigi tanto polis como ambulance na e sitio.**

Na yegada di e patruya a bin compronde cu aki ta trata di un accidente unda e chauffeur di un Toyota Tercel a bay bira pero no a mira e motociclista ta bini y esaki a bay dal riba dje.



Debi na e impacto y caida e motociclista tabata keha di dolor na su pia. Na yegada di

e ambulance nan a atend’e y a transport’e pa hospital.



## Chauffeur a subi riba e tubonan di W.E.B.



**Dialuna mainta a drenta informe di un accidente banda di Isla di Oro, mesora a dirigi un patruya na e sitio.**

un accidente unda e chauffeur di un Toyota Corolla a slip perde control y a subi e tubonan di e refineria pa W.E.B.

Na yegada di e patruya a bin compronde cu aki ta trata di

Afortunadamente ningun hende a resulta herida.

## Polis a topa un pareha cu auto di huur pega den santo blanco na Eagle Beach



**Diasabra madruga durante patruya polis a bin topa un pareha turista cu un auto di huur pega den e santo blanco na Eagle Beach, mesora polis a para**

**baha bay atende cu nan.**

A bin resulta cu e pareha no tabata sa cu esaki ta prohibi y a core un parti riba e santo blanco te cu nan chok.

## Na Sero Janchi chauffeur a dal un cura y sigui core bay

**Diasabra mainta a drenta informe di un accidente na Sero Janchi, mesora a dirigi un patruya na e sitio.**

Na yegada di e patruya a bin compronde cu aki ta trata di un accidente hit & run unda un auto a perde control na un birada y a bay dal un cura di cas y a sigui core bay. Awor polis mester bay busca e auto cu a comete e destruccion di e cura.



## Polis a logra haya auto cu a hit & run na Urataka



**Diasabra madruga a drenta informe di un accidente na Urataka, mesora a dirigi un patruya na e sitio.**

Na yegada di e patruya a bin compronde cu aki ta trata di un accidente hit & run unda e auto a sigui core bay pero despues di a busca un rato a bin logra haya e auto y a pone e chauffeur bolbe na e sitio. Na yegada di e chauffeur, el a pidi pa un ambulance. Na yegada di e ambulance nan a atend’e y a transport’e pa hospital.





# Universidad di Aruba ta invita bo pa un Open House Experimental: Descubri Bo Propio Futuro dia 3 di April!



Ta un placer pa Universidad di Aruba anuncia e tan spera evento di Open House, un experiencia unico y atractivo diseña pa inspira y guia e futuro studiantenan riba nan biahe educativo. Marca 3 di april riba bo kalender, ya cu nos lo habri nos portanan pa comunidad y nos lo demostra e poder trans-



**formado di educacion superior.**

Mientras Aruba cada dos aña a organisa y tabata anfitrión di e feria universitario, nos a realiza cu buskeda di educacion superior ta un tarea cu ta dura henter aña. Den colaboracion cu diferente scol y entidad, nos ta sigui e aña aki un enfoko nobo. Na lugá di un sesion informativo tradicional, nos ta invita bo na un Open House extenso, unda cu lo bo siña di nos diverso programanan di Bachelor y MBA y lo bo experiencia e posibilidadnan vibrante cu ta warda bo.

No ta trata solamente di foyeto y presentacion; ta trata di conecta cu bo futuro. Prepara bo pa intercambia cu stand unico ekipa cu nos studiantenan, kendenan lo comparti nan experiencia na universidad, bo lo cera conoci cu representantenan di Departamento di Educacion (beca), Xavier University (bachelor den enfermeria), IPA (Colegio di Maestro) y varios otro organisacion valioso. Nos ta comprometi na brinda un vision holístico di e oportunidadnan educativo y profesional, permitiendbo alinea bo estudionan cu bo meta y aspiracionnan.

E aña aki nos ta pone enfasis riba experiencia. Nos ta creando un ambiente interactivo unda bo por explora posibel ruta laboral y descubri e programanan di estudio cu ta fit cu bo personalidad. Y como cu nos ta compronde cu nabega door di e mundo di educacion superior por ta abrumador, ta un placer pa presenta nos informacion personalisa online y e proximo StudyLink, un herment facil pa uza pa yuda bo explora tur lóke Universidad di Aruba tin pa ofrece.

Universidad di Aruba a pasa den un transformacion significativa. Nos a amplia nos


edificionan, nos a enriquece nos personal y modernisa nos recursonan online, creando un espacio di aprendizaje berdaderamente contemporaneo y inspirado. Bin experiencia e diferencia! Nos a inverti den creacion di un universidad moderno unda e studiantenan ta central y nos kier comparti esaki cu bo. Join nos y nos centro colaborativo di conocimiento diverso.























Nos ta tene algun sorpresa secreto, pero kere nos e Open House aki ta surpasa tur otro. Trece boso amigo, famia y bisñanan; nan tur ta invita pa join nos riba e biahe educativo emocionante aki.

Experiencia e Futuro di Educacion:

- Explora Programa Diverso: Conoce nos programanan amplio di Bachelor y MBA.
- Conecta cu Exper-tonan: Intercambia cu representantenan di Departamento di Enseñansa, Universidad Xavier, IPA, y otro organisacion clave.
- Descubri Trayecto Profesional: Explora oportunidad di trabou potencial y alinea bo estudionan cu bo metanan.
- Experiencia Nos Campus Moderno: Tur nos facilidadnan nobo renoba y descubri e ambiente vibrante di universidad.
- Nabega cu StudyLink: Siña tocante nos recursonan online personalisa y e StudyLink den desaroyo.

Nos ta invita bo pa explora un espacio colaborativo caminda informacion diverso ta bini hunto. No perde e oportunidad aki pa descubri bo potencial! Join nos na Open House di Universidad di Aruba dia 3 di April. Prepara pa bo wordo inspira y dal e prome paso pa bo futuro.

Resultado Sorteo Maart 17			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
4900	2042	3955	9880
8467	3552	SUPER5	7348
8821	4443	-	6482

MERDIA	ANOCHI		
 Sorteo # 4567 0175 8396 9048  X2  Sorteo # 4567 8668  FP  Sorteo # 2623 2065  Sorteo # 4567 9988 Aries  Sorteo # 1440 713  FP	 Sorteo # 8499 2379 0221 9346  FP  Sorteo # 7543 1322  X2  Sorteo # 2248 8078  Sorteo # 6302 7927 Scorpio  Sorteo # 1232 351  X2	 Sorteo # 0 x Jackpot 0 x Match 4+ 2 x Match 4 91 x Afl. 12,00 Joker Letter Proximo Jackpot 200.000,-  Sorteo # 6773 2 x Jackpot 71 x Match 4 1621 x Afl 8,00 Proximo Jackpot 50.000,-  Sorteo # 1750 0 x Jackpot 3 x match 4 2 x Afl. 500,00 71 x Afl 50,00 67 x Afl.15,00 Mega Ball 14 Proximo Jackpot 300.000,-  Afl. 420.000,-  Sorteo # 	04-12-19-21-27





### Cas Di Cultura

Vondellaan 2 Aruba  
297-582-1010

### F A D A

Campanastraat 5 Aruba  
297-583-2999  
297-583-9610

### F A V I

Primavera 233 Aruba  
297-582-5051  
297-582-5222

### F E P O

Engelandstraat 15 Aruba  
297-583-1016  
297-583-6607

**Fundacion Contra  
Violencia Relacional**  
Tel: 583-5400

### Fundacion Autismo Aruba

Irenestraat 21 Aruba  
297-588-1179

### Fundacion Pa Nos Muchanan

Cumana 2 Aruba  
297-583-4247

### Fundacion Tel Pa Hubentud

Wilhelminastraat 19  
Aruba  
297-588-6138

### Koningin Wilhelmina Fonds

Spinozastraat 9 Aruba  
297-582-0412

### Mary Joan Foundation

Sabana Blanco 8 Aruba

297-588-9999

### Rode Kruis Aruba

Pedro Gallegostraat 14  
Tel. 297-582-2219

Fax 588-3376

### Famia Planea (SBVO)

Avenida Milio J Croes 17  
B Aruba

297-588-9591

www.famiaplanea.org

famiaplanea@hotmail.com

### Stichting Fundacion Guia Mi

George Madurostraat 34  
297-582-0088

### Y M C A

Calbasstraat 1 Aruba  
297-582-3072

### AL-ANON group

Sabana Liber #8, Noord  
(close to the hotels)  
Tel: 736-2952 or  
593-7081



### Dokter na warda

**Oranjestad** **San Nicolas**  
**Hospital** **Imsan**  
7:00 pm / 10:00 pm **24 ora**

### Botica na warda

**Oranjestad:** **San Nicolas:**  
del Pueblo : Seroe Preto:  
Tel. 582 1253 Tel. 584 4833

**EMERGENCIA** **911**

### POLIS

**Oranjestad** **100**  
**San Nicolas** **104**  
**Santa Cruz** **105**  
**Noord** **107**  
**Tip Line** **11141**  
**Brandweer** **115**  
**Ambulance** **911**  
**Hospital** **527-4000**  
**Imsan** **524-8833**  
**Warda Costa** **913**  
**Seguridad Nacional** **11911**  
**Cruz Cora** **582-2219**

### BOTICA

**Aloe** **584-4606**  
**4 Centro Medico** **584-5794**  
**Central** **585-1965**  
**Dakota** **588-7364**  
**Del Pueblo** **582-1253**  
**Eagle** **587-9011**  
**Kibrahacha** **583-4908**  
**Maria** **585-8145**  
**Di Servicio Noord** **586-4606**  
**Oduber** **582-1780**  
**Paradera** **588-6638**  
**San Lucas** **584-5119**  
**San Nicolas** **584-5712**  
**Santa Anna** **586-8181**  
**Santa Cruz** **585-8028**  
**Sero Preto** **584-4833**  
**Trupial** **583-8560**

### UTILIDAD

**Setar** **117**  
**Web** **525-4600**  
**Elmar** **523-7147**

### FUNERARIA

**Aurora** **588-6699**  
**Royal Funeral H.** **586-4444**  
**Ad Patres** **584-2299**  
**Olive Tree** **584-8888**

## Servicio di Taxi

**Aruba Transfer Tour &  
Taxi C.A.**

Tel: 582 2116 / 582 2010

**Taxi Adres Services (24h)**

Tel. 587 5900

**A1 Taxi Services Aruba**

Tel: 587-8850

Tel: 280-2828

Whatsapp: 592-7024

## Hues di Michigan tabata kier pa ladronnan di Walmart laba auto



**(AP) - Un hues di Michigan a tira awa friu riba plan pa castiga ladronnan di Walmart pa medio di pone nan laba auto.**

E sentencia inusual a bini for di Hues Jeffrey Clothier, ken tin apenas algun luna den e posicion na District Court di Genesee County. El a bisa cu pone ladronnan laba auto gratis lo sirbi comunidad y posiblemente descurasha otro hende di horta for di e compania.

Sinembargo Hues hefe William Crawford II a anula e sentencia aki, bisando cu prome, Clothier mester a pidi aprobacion di su persona y demas oficialnan di corte. "Esaki ta aplica specialmente ora ta propone un alternativa na castigo cu ta desvia for di e metodonan usual y acepta," Crawford a bisa den un declaracion diabierna, agregando cu "Walmart Washes" no lo tuma laga manera a reporta."

Clothier a bira topico den noticia den februari ora el a bisa The Associated Press cu e lo duna ordo pa 70 te 100 ladron di tienda bolbe Grand Blanc pa laba auto gratuitamente ora cu miho tempo yega.

El a bisa cu e tabatin e sosten di managernan di tienda local. Sinembargo despues di a tende tocante e plan, oficialnan di Walmart na Arkansas a bisa cu nan no kier pa e car wash ta riba propiedad di e tienda. A pesar di esaki, e hues a dicidi cu e lo por djis busca otro sitio pa ofrece esaki. Cu ordo di Crawford

sinembargo, e plan aki no lo por tuma laga.

"Mi ta frustra," Clothier a comenta. "Toch mi ta bay purba di yega na un manera creativo pa resolve e problema aki. ... mi tabatin 37 ofensa di robo nobo na Walmart 2 dia pasa. Den e ultimo luna, ta mas cu 100 caba."

E tabatin alrededor di 20 pa 30 hues cu a tende tocante e idea y a compromete na uni na e plan.

Clothier a comparti cu awo e ta dunando ordo na otro tipo di oranan di servicio na comunidad den casonan di Walmart na laga di car wash.

## Pronostico di tempo

### Tempo:

Awe nochi: levemente te parcialmente nubla y generalmente seco

Den marduga y mañan: parcialmente nubla cu un awasero breve

Temperatura maximo 32 grado celsius

Temperatura minimo 26 grado celsius

Indice di calor (heat index) den y rond di oranan di merdia: 33 pa 38 grado celsius  
UV index: 12

Bahada di solo : 6:50 pm  
Subida di solo : 6:44 am

### Biento:

Modera for di direccion entre noordoost y oost;  
Forsa 3 te 4 (12 te 30 km/ora, 7 te 16 nudo)  
Den di dia basta fuerte te posiblemente fuerte den rafaga;  
Forsa 5 te 6 (40 te 61 km/ora, 17 te 27 nudo)

### Situacion general di tempo pa proximo 24 ora:

Un coriente di aire un poco humedo for di noordoost, lo trece algun area di nubia den region. Esaki lo por



causa localmente un awasero breve durante e periodo di pronostico aki.

Di otro un banda por bisa cu e concentracion di stof di Sahara lo aumenta durante e proximo dianan. Personanan sensible pa cambionan den e calidad di aire mester tene esaki na cuenta.

### Condicionnan maritimo/estado di lama:

Na partinan protegi di costa: keto, rond di 1 pia.

Na partinan zuid: trankil 1 pa 2 pia.

Na partinan oost te noordwest di costa: Generalmente modera cu olanan alrededor di 3 pa 5 pia.



# Aurora

## Royal Pray

Funeral Home & Crematory

"Señor ta mi wardador, mi'n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa".  
Salmo: 23

Nos ta anuncia fayecimento di:



**Apolonia Teresa Tromp-Cecilia**  
\*10-04-1940 - †12-03-2025

Na number di su:

**Esposo:** † Sixto Tromp

**Yiunan:**

† Mistica Tromp  
Sylvia Tromp  
David Tromp y Elvira Gomez  
Ruby Tromp y Irene Robert  
Eric Tromp  
Mirayma Tromp  
Moizes Tromp

**Manera yuinan:**

Ramiro Tromp y famia  
Marcie de Jong y Famia  
Wedsondy Roseau

**Nieto/a nan:** Sharlenne De Camps-Tromp y Josapatrich De Camps, Lionel Tromp y Guerlain Kelly, Darleen Tromp y Ricardo Maduro, Raymond Tromp y Carol Zievinger, George Tromp y Jourdain Tromp-Ras, Davidson Tromp, Indira Tromp y Christian Danjo, Daniela Tromp, Desiryen Tromp

**Bisanieto/a nan:** Waylenne Maduro, Zennon Maduro, Joslenne De Camps, Sjodienne De Camps, Json De Camps, Jayonel Tromp, Jaythan Tromp, Jayson Tromp, Quinten Tromp, Quillen Tromp, Edrick Kock, Daric Maduro, Zikiel Maduro, Sophia Maduro, Lee-ann Tromp, Shaylee Tromp, Kehlan Tromp

Demas famianan na Boneiro y Curacao, primo y primanan y conocirnan.

**Demas famia:** Tromp, Cecilia, Maduro, De Camps, Kelly, Velaque, Oduber, Sanchez, De Windt, Gomez, Robert, Ras, Zievinger, Danjo, Lopez, Giron, Curiel.

Ta invita pa e **acto di entierro** cu lo tuma lugar diaranson 19 di maart 2025 na Aurora Funeral Home di 2:00 pa 4:00 pm, despues lo sali pa Santana central na Sabana Basora.  
Nos disculpa si den nos tristeza nos por a lubida cualkier famia/conocir.  
Disculpa nos per despues di entierro nos no ta ricibi bishita di condelencia an cas.


# Aurora

## Royal Pray

Funeral Home & Crematory

Laga tur loke ta spera mi ta bunita  
Laga tur locual cu mi encontra na caminda ta bunita  
Laga tur locual cu mi laga atras keda bunita y  
Laga esakinan termina den tur buniteza.

Cu dolor na nos curason pero conforme cu boluntad di Dios, nos ta participa fayecimento di nos ser stima:



**Elva Magda Blom-Boyé**  
\*06-10-1946 - †13-03-2025

Na number di su:

**Esposo:** Jose M.J. Blom

**Yiunan:** Marlon & Marvin Blom

**Nieto(a)nan:**

Marsha, Mandy, Kate, Matthew, Julian & Amelia

**Tata:** Wilhelm Boyé

**Mama:** Abelina Boyé-Tromp

**Rumannan:**

†Ernest (Netty), †Omira, †Edmund (Muty), Wilfred (Fefe), Rupert (Ruru), Aureen, Adilia

Sobrino y sobrinanan, Omo y tantanan

**Suegro/Suegra:** Otto Blom/Dolores Piar-Blom

**Swa y Cuñanan:**

Solognier, Wernet, Oduber, Geerman, Loefstok

Primo y primonan, amigo y amiganan, Sky Master Bike Cross team y bike cross teams di e tempo ey, Grupo Encuentro Conjugal.

**Demas famia y conocirnan:** Blom, Boyé, Mierzejewska, Kozłowska, Castro-Cruz, Villamarin, Carrega, Clementina, Dacosta Gomez, Duarte-Hernandez, Kock, Adonis, Orman, Maduro, Loefstok, Scheper, Tromp, Claessens, Tweekboom, van Zandwijk, Geerman, Oduber, Salcedo, Velasquez, Cardoso, Molina, Ras, Lopez, Cijntje, Kelly, de Cuba, Druif.

Dispensa nos si den nos tristeza nos por a lubida un of otro persona.

Ta invita pa e **acto di entierro** cu lo tuma luga: diabierna awo 21 Maart 2025 na Aurora funeral Home di 2 pa 4 or, despues lo sigui pa santana na Paradera.

No tin bishita di condolencia na cas. Por manda flor na Aurora. Elva ta stima flor. Danki na team di Wit Gele Kruis y e personanan cu a yude te na final: Margo, †Marlushka, Jeannice, Doris, Sharon, Stella, Corinne y otro personanan cu a yuda di un forma of otro. Mama, Oma danki pa tur bo cariño y amor incondicional. Descansa den braza di señor. Un dia nos lo bolbe topa bek.

# Aurora

## Royal Pray

Funeral Home & Crematory

Tur cos aki na mundo tin su ora y su tempo,  
Ora pa nace y ora pa muri,  
ora pa yora y ora pa hari,  
Ora pa keda keto y ora pa papia,  
ora pa stima y ora pa odia,  
Ora pa guerra y ora pa paz"  
Predicador 3:1-2-4-7-8



Cu dolor na nos curason, nos ta anuncia fayecimento di nos ser stima:

**Loretta Patricia Richardson**  
\*15-10-1938 - †15-03-2025

Na number di su:

**Casa:** †Francis Loefstop

**Yiunan:**

Randolph y Skjerstie Loefstop  
Dino y Sue-Ann Loefstop

**Nietonan:**

Shanice, Leeroy, Tommy, Ayrton, Aurelia, Dashjua, Trever, Lucas

**Manera nieta:** Scarlett

**Rumannan:**

Lionel Richardson  
Suzanne Richardson  
Dooley Richardson  
James Richardson

Demas famia na Aruba y St Maarten.

Nos ta pidi disculpa si nos por a lubida un famia of cocnecir den nos momento di tristesa.

Ta invita pa **acto di condolencia** y despedida cual lo tuma lugar na Aurora Funeral Home diahuebs 20 di maart 2025 di 9or pa 11or di mainta.

**Cremacion** lo tuma lugar despues den seno familiar.

# Aurora

## Royal Pray

Funeral Home & Crematory

Laga tur loke ta spera mi ta bunita  
Laga tur locual cu mi encontra na caminda ta bunita  
Laga tur locual cu mi laga atras keda bunita y  
Laga esakinan termina den tur buniteza.  
Autor: Cado Weber.



Cu dolor na nos curason, pero conforme cu Dios su boluntad, nos ta participa fayecimento di nos ser stima:

**Francisca Werleman**  
Cariñosamente yama "Chica"  
\*03-12-1945 - †14-03-2025

Acto di entierro lo wordo anuncia despues



# Aurora

## Royal Pray

Funeral Home & Crematory

"Señor ta mi wardador, mi'n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa".  
Salmo: 23

Nos ta anuncia fayecimento di:



**Mauricio Andres Engelhart**  
Mihor conoci como Lucho  
\*17-10-1959 - †09-03-2025

Na number di su:

**Mayornan:**

†Edgar "Ghetty" y †Rina Engelhart-Henriquez

**Rumannan:**

Raiza, Ruth, Ruben, Roosje y Sergia

**Tio y tianan:**

Olga Muller-Engelhart  
Gladys Craanberg-Engelhart  
Stanley Engelhart  
Gerda Oleana-Braaf  
Henky Braaf  
Lorenzo Henriquez  
Chido Henriquez

**Su amigo nan cu semper a yudele:**

Maikito Ruiz, Eduard "Waso" Muller, Jairo Kelly,  
Humphrey y Imelda Kock, Carlos da Silva, Ciro  
Schoop

**Famianan:** Engelhart, Henriquez, Werleman,  
Baranco, Muller, Craanberg, Oleana, Braaf, Croes,  
Semerel, Ras, Werleman

Ta invita pa e acto di despedida cu lo tuma lugar  
diahuebs 20 di maart 2025 di 2:00 pa 4:00 pm na  
Aurora Funeral Home, cremacion ta tuma lugar den  
seno di famia.

# Aurora

## Royal Pray

Funeral Home & Crematory

Om Shanti



**Gordhan Udham Kimatrai Daryanani**  
15 February, 1938 - 15 March, 2025

With profound love and respect, we honor the  
life of our beloved father, a man of integrity,  
kindness, and unwavering principles. He was  
a guiding light for our family and a pillar of  
strength in the community, leaving behind a  
legacy of love and virtue that will forever remain  
in our hearts.

Husband of Kavita (Parpati) Daryanani Chatani  
Father of Prakash & Jaya, Sanju & Gerald †,  
Deepak & Amber, Jayesh & Sandra Grandfather  
of Shazia, Avinash, Vijay, Shaleen, Alisha &  
Anjlina

Brother of Rukmani† & Nanikram† Vasandani,  
Bhagwanti† & Kishin† Vasandani, Pritam† &  
Nirmala† Daryanani, Kaushi† & Chandanmal†  
Buxani, Sita & Gianni† Finessi, Roberto  
Kimatrai†, Haresh† & Rekha Daryanani

Nieces & nephews and their families  
Families Daryanani, Kimatrai, Chatani, Finessi,  
Vasandani, Buxani, Mukhi, Khiatani, Luidens,  
Lindeborg, Garcia, Melwani, Nandwani

**A special thank you to:**

Staff at Horacio Oduber Hospital, Ambulance  
& Brandweer Aruba Kimberly Hoo from Trinity  
Aruba

Fleur Aarntzen from Fyzix  
Kiwanis Club of Aruba  
Anand Yadav

Staff & management of Fanny's Shop Aruba and  
Häagen-Dazs Shops We deeply appreciate the  
love and support we have received.

In lieu of flowers, please consider making a  
donation to a charity of your choice.  
Our sincere apologies if, in our grief, we have  
forgotten to mention any family or friends.

**FUNERAL**  
DATE: FRIDAY 21ST OF MARCH  
TIME: 8:00 AM TO 11:00 AM  
PLACE: AURORA FUNERAL HOME

We are not able to accept condolences at home  
after the funeral.

# Aurora

## Royal Pray

Funeral Home & Crematory

"Señor ta mi  
wardador, mi n' tin  
falta di nada  
Den cunucu di yerba  
berde e ta pone mi  
sosega.  
E ta hiba  
mi na awa trankil,  
Pa mi bolbe haya  
forsa".  
Salmo:23



A bay sosega den brasa di Señor nos mama stima,  
wela, tanta, ruman:

**Fabiana Maduro**  
Cariñosamente yama "Mama, Fabia, Mama  
Fabia, Yaya,"  
\*02 december 1945 - †14 maart 2025

Acto di entierio lo wordo anuncia despues.

# Aurora

## Royal Pray

Funeral Home & Crematory

Laga tur loke ta spera mi ta  
bunita  
Laga tur locual cu mi encontra  
na caminda ta bunita  
Laga tur locual cu mi laga  
atras keda bunita y  
Laga esakinan termina den  
tur buniteza.  
Autor: Cado Wever.



Cu inmenso tristesa den nos curason nos ta anuncia  
fayecimento di nos ser stima:

**Sra. Flora Petronilia Croes-Kelly**  
"Tanta Flora of Tanta Foi"  
\*23-09-1938 - †15-03-2025

Acto di entierio lo wordo anun

# Aurora

## Royal Pray

Funeral Home & Crematory

Laga tur loke ta spera mi ta bunita  
Laga tur locual cu mi encontra na  
caminda ta bunita  
Laga tur locual cu mi laga atras  
keda bunita y  
Laga esakinan termina den tur  
buniteza.  
Autor: Cado Wever.



Cu dolor na nos curason, nos ta participa fayecimento  
di nos ser stima:

**Salomon Boekhoudt**  
Cariñosamente yama "Chomon"  
\*22-09-1940 - †13-03-2025

Acto di entierio lo wordo anuncia despues

# Aurora

## Royal Pray

Funeral Home & Crematory

"Señor ta mi wardador, mi'n tin  
falta di nada  
Den cunucu di yerba berde e ta  
ponemi sosega.  
E ta hibami na awa trankil,  
Pa mi bolbe haña forsa".  
Salmo: 23



Nos ta anuncia fayecimento di:

**Patricio Gomes**  
\*17-03-1959 - †15-03-2025

Acto di entierio lo wordo anuncia despues.



## Merca: Hefe di Corte Supremo ta critica Trump su yamado pa e impeachment di un hues

(AFP)—E conflicto andante entre Donald Trump cu e sector hudicial a resulta den un confrontacion habri ayera ora Husticia di Corte Supremo, John Roberts, a emiti un critica incomun di e presidente Mericano tocante su yamado pa e impeachment di un hues federal.

“Pa mas cu dos siglo, a establece cu impeachment no ta un respuesta adecua pa un desacuerdo relaciona cu un decision hudicial,” Robert a bisa den un declaracion corto. “E proceso di evaluacion di apelacion ta existi pa e proposito aki.”

E critica extraordinario di Roberts a bin despues cu Trump a haci un yamado pa e impeachment di Hues di Distrito James Boasberg, ken a duna orden pa suspende e buelonan di deportacion di supuesto migrantenan ilegal durante weekend. “E hues aki, manera hopi di e huesnan corupto kennan mi



ta forsa pa para dilanti, mester ser IMPEACHED,” Trump a skirbi den un publicacion riba Truth Social.

E Cas Blanco a critica cortenan di distrito cu a blokea algun di e accionnan ehecutivo di e presidente pero esaki tabata prome biaha cu Trump a haci un yamado personal pa e impeachment di un hues

desde cu el a tuma e oficina presidencial na januari.

Huesnan federal ta ser nomina pa e presidente y por ser kita solamente via impeachment pa e Cas di Representanten pa “crimen of delito di nivel halto” y condena pa e Senado. Impeachment di huesnan federal ta extremamente incomun y e ultimo

biaha cu esaki a pasa tabata na 2010.

Varios ora despues cu Trump a publica su yamado, Brandon Gill, un legislador Republicano di Texas, a anuncia riba X cu el a introduci articulon di impeachment den e Cas contra Boasberg, ken el a describi como un “hues activista radical.”

Carl Tobias, un profesor di ley na University of Richmond, a describi e intervencion di Robert como “extremamente incomun” y a recorda cu e husticia principal a haci remarkenan similar despues cu Trump a critica e huicio di huesnan federal durante su prome termino.

Roberts tabata obliga pa responde e tempo ey, bisando cu e sector federal “no tin huesnan di Obama ni di Trump, ni di Bush, ni di Clinton,” Tobias a bisa.

Trump, e prome condenado pa sirbi den e Cas Blanco, tin un historia di ataca e huesnan cu ta encarga di casonan civil y criminal.

Boasberg a duna orden pa suspende e buelonan di deportacion diasabra tumando supuesto miembronan di e gang Venezolano Tren de Aragua pa El Salvador unda a pone nan den prison.

## Israel ta lansa atake riba Gaza pa presiona Hamas segun analistanan



(AFP)—Israeli probablemente tin e intencion pa presiona Hamas pa acepta su termino di tregua cu su atakenan riba Gaza ayera, pero e escalacion tambe por sirbi prome minister Benjamin Netanyahu domesticamente, segun analistanan.

E atakenan di Israel mainta trempa—te awor esun mas mortal desde cu e alto-el-fuego a bin na vigor dia 19 di januari—a mata mas cu 400 hende, segun e ministerio di Salud den e Franha di Gaza.

Hamas a bisa cu esnan asesina ta inclui e hefe di su gobierno na Gaza y otro oficialnan.

E alto-el-fuego di januari a para e mas di 15 luna di guerra causa pa e atake mortal di Hamas riba Israel dia 7 di october 2023. E prome fase di e tregua a mira e regreso di 33 rehen Israeli, incluyendo algun cu a fayece, den intercambio pa aproximadamente 1,800 Palestino den custodia Israeli, y a permiti e entrada di ayudo humanitario den e teritorio devasta.

Pero esaki a vence dia 1 di maart sin un acuerdo tocante kico un segundo fase lo mester musta. Hamas a keda demanda pa negociacionnan pa un segundo fase pa asina yega na un alto-el-fuego duradero. Sin embargo, Israel a busca pa extende e prome fase te cu mita april bao e plan sosteni pa Merca, cortando ayudo y electricidad pa Gaza pa via di e impasse den negociacion.

Mairav Zonszein, un analista mayor di Israel na e Grupo Internacional di Crisis, a bisa cu tabata claro cu Netanyahu



“kier a bay back na un tipo di no alto-el-fuego” na Gaza. E prome minister Israeli a demostra su intencion por medio di no retira trupanen Israeli manera tabata planea bao e prome fase, el a bisa.

David Khalfa, di e Fundacion Jean Jaures na Francia, a bisa cu e intensificacion di bombardeo diseña pa forsa Hamas pa acepta un propuesta treci dilanti pa envio Mericano Steve Witkoff “pa extende e prome fase, incluyendo e posibilidad di un alto-el-fuego permanente” y libera mas rehen.

Un vocero di e Departamento di Estado Mericano a bisa ayera cu Hamas “tin e

responsabilidad completo” pa e atakenan nobo di Israel, acusando e grupo di rechasa un “trato rasonable.” Hamas ainda no a responde militarmente, y a acusa Israel di fors’e pa “entrega” su mes.”

Hugh Lovatt, un compañero mayor di politica na e Consejo Europeo riba Asuntonan den Exterior, a bisa cu “Hamas no kier ser forsa den un otro guerra.” Khalfa a bisa cu bringadornan di Hamas lo probablemente “baha nan arma, sconde nan...y despues dispare, mescla den e poblacion local.”

Nan lo “organisa redadanan si Israel manda trupanen riba tera,” el a agrega.



## Bangladesh ta aresta lider militante Rohingya notorio

**(AFP)—Un lider militante Rohingya cu a dirigi atake contra e forsa di seguridad di Myanmar, cual a provoca un catastrofe humanitario, a ser aresta ayera pa polis di Bangladesh.**

Ata Ullah, 48 aña, a aparece riba e escena casi un decada pasa como e lider carismatico di Arakan Rohingya Salvation Army (ARSA), un grupo forma pa combati contra e persecucion di e minoria Musulman sin patria den Myanmar.

Nan atake contra puestonan di polis na 2017 a provoca represalia brutal, cual eventualmente a obliga rond di 750.000 Rohingya pa huy y busca refugio den campamento di ayudo na Bangladesh.

E lider a ser aresta hunto cu cinco di su socionan pa e Rapid Action Battalion na periferia di e capital Dhaka, mientras cu cuater otro di su socionan a ser deteni den e distrito central di Mymensingh, segun polis. Nan ta kere cu Ata Ullah personalmente a duna e orden pa e atake di 2017 y a gara atencion publico poco despues den un video publica online,



caminda e tabata rondona pa hombernan arma cu mascara, primintiendo liberacion pa e Rohingyanan di “opresion deshumanisante.”

ARSA ta ser acusa di mata, secuestra y tortura dentro di e campamentonan di refugio, y e lider di e grupo ta ser acusa di a manda mata lidernan civico Rohingya cu a tribi di papia contra nan. E tambe ta ser acusa di ta envolvi den e asesinato di un oficial di inteligencia militar Bangladeshi.

**Militantenan ta mata refugiado**

E aresto di ayera a bin algun ora despues cu un grupo di derecho regional a bisa cu al menos 65 Rohingya a ser asesina aña pasa durante enfrentamentonan entre gruponan militante rival cu ta competi pa influencia den e campamentonan di refugio na Bangladesh. E grupo di Ata Ullah, su rival principal Rohingya Solidarity Organisation y un otro grupo militante a tin añas ta bringando un bataya mortal pa control di e campamentonan.

Fortify Rights a documenta 65 morto aña pasa hunto cu decenas di atake, secuestro

y extorsion atribui na “gruponan militante y criminal” den e campamentonan.

E cifra ta mas abou cu e 90 asesinato registra den 2023 pa e grupo di derecho. “Gruponan arma Rohingya ta crea caos den Bangladesh y Myanmar cu impunidad casi completo,” e director di e grupo, John Quinley, a conta reporteronan na Dhaka durante e publicacion di un rapport nobo riba e violencia.

“No ta e rivalidad interno so cu ta mata miembronan di e gruponan militante aki. Ciudadanonan tambe ta victima.”

E rapport ta pidi pa gobierno di Bangladesh investiga e violencia y castiga e autor di e crimennan, bisando cu algun caso por constitui crimen di guerra cu merece investigacion internacional.

E Secretario General di UN, Antonio Guterres, a bishita e campamentonan di refugio Rohingya na Bangladesh siman pasa, caminda el a priminti di haci “tur cos posibel” pa evita e reduccion di ayudo humanitario cu ta acercando.

Falta di financiamiento anuncia pa e agencia di cuminda di UN e luna aki por reduci e bono mensual di cuminda di \$12.50 pa \$6.00 pa cada persona den e campamentonan cuminsando april. Recortenan sucesivo di ayudo a causa hopi sufrimento den e asentamientonan sobrepobla, caminda Rohingyanan ta depende riba ayudo y ta sufri di malnutricion severo.

Bangladesh a ta luchando pa añas pa asina sostene su gran poblacion di refugiado, y Dhaka ta bisa cu e ta busca manera pa haya mas ayudo pa e Rohingyanan.

## Discusionnan di paz pa Congo cancela bao circunstancia imprevisto

**(AFP)—Angola a bisa cu e discusionnan cu mester a tuma luga den e capital di Luanda ayera, cual tabatin e meta pa trece un fin na e bringando den Congo, a ser cancela debi na circunstancianan imprevisto—un posible referencia na e decision di e grupo M23 pa aleha na ultimo momento.**

Presidente di Angola Joao Lourenco a ser apunta pa Union Africano (AU) pa media den e conflicto den Congo, unda M23 a captura e dos ciudadnan principal den e parti este den un campaña rapido.

E ministerio di Asunto den Exterior di Angola a bisa den un declaracion cu “debi na circunstancianan y motibonan unda no por a cumpli cu compromisonan...e reunion planea entre e gobierno di e Republica Democratico di Congo (DRC) y e Movimento Maart 23 (M23),” no por a tuma luga.

El a bisa cu Angola lo “ta en-



carga di tur esfuerso pa garantisa e reunion tuma luga, mientras tanto reafirmando cu e dialogo ta e unico solucion pa paz duradero” den e parti este di DRC. M23 a bisa dialuna laat cu e no lo asisti na e discusionnan di paz cu e gobierno di Congo despues cu Union Europeo (EU) a implementa sancion riba su

laton. “E sancion imponi riba nos miembronan, incluyendo esnan adopta un dia prome cu e discusionnan na Luanda, a stroba e posibilidad di dialogo directo y a preveni cualkier avance,” el a bisa.

E grupo tambe a denuncia e “campaña agresivo” y a agrega cu “bao condicionnan asina ta

imposible pa por tene discusion. Como resultado, nos organisacion no lo por tuma parti den esakinan.”

EU a sanciona dialuna tres comandante militar di Ruanda y su hefe di agencia di minamento pa via di nan sosten pa bringadornan arma den e parti este di Congo como

tambe miembronan mayor di M23, incluyendo su hefe, Bertrand Bisimwa.

Desde januari, M23—cual ta declara cu nan ta defendiendo e interesnan di e Tutsinan Congoles—a confisca e ciudadnan clave di Goma y Bukavu den un avance rapido cu a resulta den mas di 7,000 persona morto, segun DRC. AFP no por a verifica e cifra independientemente.

Un rapport pa e Organizacion di Nacionnan Uni (UN) a bisa cu Kigali ta controla M23 y tin aproximadamente 4,000 trupa sosteniendo e pa asina explota e mineralnan vulnerable den e region. Ruanda ta nenga di provee M23 cu asistencia militar prome a bisa cu e ta enfrentando un menasa den e region for di e grupo FDLR, funda pa lidernan Hutu envolvi den e genocidio di Tutsinan Ruandes 1994.

E ultimo biaha cu e gobierno Congoles y M23 a tene discusion tabata na 2013.